





23-00

10-4

11-11-11



File 3A 203/29





DE
ORIGINE
SACRARUM PRECUM
ROSARII
BEATÆ MARIE VIRGINIS
AD SANCTISSIMUM D. NOSTRUM
BENEDICTUM XIII. PONT. MAX.
ORDINIS PRÆDICATORUM
DISSERTATIO

F. THOMÆ VINCENTII MONELIÆ EJUSDEM ORDINIS.



ROMÆ. MDCCXXV.

Typis Hieronymi Mainardi in platea Montis Cimatoriæ

SUPERIORUM PERMISSU.

BIBLIOTHEQUE S. J.

Les Fontaines
60 - CHANTILLY

REPUBLICAN PARTY

REPUBLICAN PARTY

REPUBLICAN PARTY

REPUBLICAN PARTY

REPUBLICAN PARTY



REPUBLICAN PARTY

REPUBLICAN PARTY

BEATISSIMO PATRI
BENEDICTO XIII.
PONTIFICI MAXIMO

Ordinis Prædicatorum.

FRATER THOMAS VINCENTIUS MONELIA
Ejusdem Ordinis.



NCEPS diu hæsi ,
BEATISSIME PATER ,
recogitans , acce-
deremne venera-
bundus ad pe-
des Tuos , cum
hoc quali quali munere , summæ
observantiæ in Te meæ monu-
mento . Percussus enim ac terri-
tus Majestatis Tuæ splendore ,
qui oculorum meorum aciem .

perfringebat, verebar ne jure
& merito audaciæ arguerer, vi-
debarque mihi ingens quidem
facinus aggredi, sed nimis auda-
cter, quod ei vires meæ impares
forent. Animum despondere cœ-
peram, hæc tacitus apud me re-
volvens, cum recordatio singu-
laris illius humanitatis Tuæ, qua
omnium animos alliciens, in Tui
simul admirationem, & amorem
trahis, me recreavit, fractasque
fere vires erexit. Inest enim in
Te summa cum Majestate con-
juncta arctissimo fœdere beni-
gnitas maxima, animi natus
quidam candor, non adscitus, &
tanta morum suavitas, ut sum-
mum honoris fastigium nullum

de-

dejiciat, quemadmodum ingens
illa humanitas Tua auget in nobis
obsequium quo in Te summam
in terris dignitatem suspicimus,
& dignitati maximæ parem ani-
mum Tuum. At quamvis sui pro-
be conscia mens huc illuc impel-
leretur, noverat tamen, munus
quod affert dignum esse Sacer-
dote Maximo, cum eum ritum,
eas preces complectatur, quas
inter orandum usurpat Christia-
nus, cui præes, Populus. A Te
vero Deum inter & homines con-
stituto, maxime exorandus est
Deus, quod diu noctuque præ-
stas, ne in scelera nostra poënis
animadvertat. Pergratum futu-
rum SANCTITATI TUÆ hoc munus,

non levis est conjectura : quadoquidem in pauca contraxerim quicquid ad Rosarii Deiparae Originem pertinebat. Quotus autem quisque est qui nesciat quam impense, ab ineunte ætate, Sanctissimam Dei Parentem Mariam, hoc præsertim eximio ritu, colueris? Quoties de ejus laudibus pro concione verba feceris Beneventi Archiepiscopus, ac in Divini verbi interpretatione & Ecclesiastica Disciplina Episcoporum omnium exemplar? Nonne in solemni Rosarii supplicatione, ingenti voluptate perfusa, Roma Te vidit, (mirata non vulgare pietatis exemplum) peditem, ac religione maxima cum

mi-

minimis Ordinis tui Fratribus incedere. Quod ad me pertinet, dicam plane, pace Tua, BEATIS-SIME PATER, quod sentio. Videre tum mihi visus sum aliquid humana specie majus, mentique meæ, gaudio simul delibutæ, ac stupore perculsæ obversabatur imago Magni Gregorii Romani pariter Pontificis, qui ut imminetia Urbi mala precibus averteret, in consimili frequentis populi supplicatione ad Sanctæ, agebat, *Genitricis Dei Ecclesiam convenientes, qui simul omnes peccavimus, simul omnes mala quæ fecimus deploremus.* (a) Id ipsum Tu quoque, SANCTE PATER

(a) Joh. Diac. Vit. S. Greg. l. i. n. 41.

preces nobiscum canendo , magna quadam submissione animi religione perfusi , dicere mihi videbaris, & videbaris cunctis, quos iisdem percelli motibus ostendebant lacrymæ , quibus manabant, testes gaudii , religionis , poenitentiae . Accedit asseri in hac Dissertatione celeberrimarum precationum Originem SANCTO DOMINICO , quo Patre gloriaris Tu quoque , quem Catholici omnes veneramus Patrem Populi Christiani . Quantum vero lætatur Dominicus , magnifice Deo in ejus honorem a Te extructis aris atque sacellis , dum tantum filium videt dignitate maxima auctum ! Præeuntem sequeris Pa-

trem

trem Tuum: hic enim, & Sanctus Oxomensis Episcopus Didacus, antequam cum Mariæ, & omnis religionis hostibus Albigensibus manus confererent, socios monuerunt, facem exemplo præferentes, *ut ceteris omis-
sis prædicationi ardentius insu-
darent, & ut possent ora obstrue-
re malignorum, in humilitate
præcedentes, exemplo pii magi-
stri facerent & docerent, irent pe-
dites, sine auro, & argento, per
omnia formam Apostolicam imi-
tantes* (a). Quis non miretur in
tanto honoris fastigio animum
ita demissum, & Tuum illum hu-
manarum rerum contemptum?

Sci-

(a) Petrus Cernensis cap. 3.

Scilicet Sacerdotii majestatem ,
non arma , non lictores , non
fastus , sed una virtus comitatur,
Religio nempe, qua sanctissimum
munus tuum imples , vere , &
ad melioris ævi normam, Pastor,
Doctor , Episcopus , & Maximus
Ecclesiæ Pontifex ; Caritas , qua
inopes , ægrotos , omnesque fo-
ves , atque complecteris , ac , ut
alias sexcentas præteream , sin-
gularis illa Tua in amplissimis
dignitatibus animi modestia, quæ
Dei Sacerdotes tanto majori di-
gnos efficit veneratione , quan-
to magis similes reddit Jesu Chri-
sto servatori , omnium principi
Sacerdotum . Quæ in hac Dis-
sertatione pertractantur, non tan-

tum

tum cum sancti Patris Dominici,
cujus mores refers, verum cum
ejus, Tuique Ordinis commen-
datione conjuncta esse nemo non
videt: Quo etiam nomine plane
confido fore ut voluptatem non
mediocrem Tibi sint allatura. .
Familiam nostram eodem nunc
amore prosequeris, quo tum
complexus es, cum eidem auspi-
cato nomen dedisti, postquam
vix ex ephebis excesseras, cun-
ctis nuncium remittens, ut uni
Deo in ea vacares, faustissima il-
la die, qua in eam es cooptatus,
albo a nostro Prædicatorum Or-
dine lapillo signanda, ad memo-
riam Sæculorum sempiternam.
Hæc, BEATISSIME PATER, me hæsi-

tantem, impulerunt tandem, ut
libellum hunc nomini Tuo in-
scriberem, confido enim fore, ut,
quando omnis expers eruditio-
nis ad scribendum me contuli,
conatum saltem meum æqui bo-
ni consulas, rem certe, de qua
agitur, probes, ac tuearis.

PRÆ-

P R Æ F A T I O.

I.



*Ub finem anni
præteriti 1724*

*de sacrarum
precum Rosa-
rii origine*

*brevem quan-
dam lucubra-
tionem exara-*

veram, ut mo-

*rem gererem viro summo, cujus maxi-
ma semper apud omnes nostros fuit exi-
stimatione, nempe Reverendissimo P. M.
Angelo Guilelmo Molo Ordinis Prædi-
catorum Procuratori Generali meritif-
simo, & non ita pridem Generali quo-
que Vicario, ac in postremis comitiis
Bononiensibus totius Ordinis nostri, hoc
ipso anno 1725. Præsidi. Agebatur
tunc de tuenda Ordinis traditione, ac
gloria, vocata ad examen hac origine
S. Dominico adscripta christiani orbis
suffragiis, ob novas Lectiones Rosarii pro
solemni ejus die, ad præscriptum Ro-
mani ritus vulgandas, cumque horis ca-
nonicis in ejus die festo recitandas. Rem*

non

non parvi momenti judicarunt quotquot
 in Ecclesiæ ritibus & historia versati
 sunt, rati magni æstimanda quæcum-
 que ad ejusmodi studia illustranda quo-
 quo modo pertinent. Quid enim reli-
 gione gravior, & iis quæ ad Dei cul-
 tum spectant? Quid utilius solemnibus illa
 precationum forma, quam inter oran-
 dum usurpat Christianus populus? Quid
 ea Sodalitate illustrius, in cujus albo de-
 scribi, Principes, Reges, Summiq;ue
 Pontifices magno sibi ducunt honori?
 Opellam nostram boni consuluit, pro
 sua humanitate, vir optimus, ac pro-
 barunt in Cænobio Minervæ plures eru-
 ditione præstantes, quibuscum ea fue-
 rat communicata. Sed cum typis vul-
 gari nonnulli vellent, & (quod ægre
 a me, virium mearum probe conscio,
 impetrarent) hujus identidem me ad-
 monerent, non sine modesta expositu-
 tione; statui tandem viris de me optime
 meritis auscultare. Stimulos addidit
 eruditissimus Dominicus Georgius Bi-
 bliothecæ Eminentissimi Cardinalis Im-
 perialis Præfectus. Reverendissimus ve-
 ro Pater Fr. Thomas Ripoll Ordinis no-
 stri

*stri Generalis Magister, qui Familia
sua bono summa vigilantia consulit, ac
B. Virginem, & S. P. Dominicum,
cujus vices apud nos gerit, maximopere
colit, eandem typis imprimi voluit. Ita-
que oportuit revocare cuncta ad incu-
dem & nova rerum accessione illustrare,
quo melius Ordini, & Sancto ejus In-
stitutori consuleretur, Dissertatione
publici juris facta.*

II. *Originum quidem consideratio per-
jucunda est, & admodum utilis. Pu-
rius ex ipso fonte aquæ bibuntur, & ex
prima rerum genesi ea penitus cogno-
scuntur. Molesta plerumque sunt ejus-
modi studia, quique ea sectantur, pri-
mum in evolvendis & perscrutandis sæ-
culorum monumentis improba labore de-
sudant, at postquam voti compotes, quod
diu optaverant, assequuti sunt, ma-
xima voluptate perfunduntur. Nemo est
qui rerum inventores nosse non plurimi
faciat; sed in hæc studia incumbere
paucis arridet; opus est enim, labore,
& magna animi contentione strenuam
navare operam, ad primos auctores dete-
gendos: Longe facilius est ex aliorum*
di-

*diligentia proficere . Non is sum ego qui
pluris ac par est , mea divendere velim ;
non primus hanc Spartam orno ; non ju-
sta molis volumina conscribo . Nihilomi-
nus ita de his differere oportuit , ac si
nemo antea quidquam de ea re cogitasset .
Hanc methodum , quam ceteris longe an-
tecellere exploratum est , hic maxime
adhibere necesse fuit , quod Auctores de
Rosario tractantes , traditioni , vulga-
tae sententiae , & recentioribus Scripto-
ribus fere innixi , ad Sæculi XIII. mo-
numenta diligentius excutienda vix ani-
mum adjecerint .*

III. *Haud scio an major molestia
exhibeatur primas rerum origines ve-
nantibus , cum nullus occurrit , ad
quem jure possint referri , an cum plu-
res se sistunt , quorum quilibet palmam
ceteris præreptam vellet . Testantur hoc
recentium Physicorum , atque Mathe-
maticorum inventa , quorum veri aucto-
res quandoque nos fugiunt , dum de in-
ventionis gloria plurimi certant . At
agunt illi de tuenda corporis valetudine ,
de motuum legibus , de Solis maculis
atque vertigine , deque ea Analyysi , qua
nihil*

nihil præstantius humana ratio poterat
invenire. Id quidem verum est, sed cun-
ctis ab hominibus excogitatis longe præ-
stat quidquid cum Religione conjunctum
est, eaque, utilitate maxima, si mi-
nus ingenti acumine, longo post se in-
tervallo relinquit. Non tamen quoties-
cumque alicui asseritur præclarum quod-
dam inventum, continuo alii fascēs sub-
mittent: plures eadem excogitare po-
tuerunt, & ejusdem rei Auctores simul
nuncupari. Contra, si qui rerum in-
ventores vulgo dicuntur, non propterea
adscribenda illis è vestigio sunt rerum
origines: Etenim sæpenumero recentio-
res sui juris faciunt quæ ab antiquis tra-
dita, vel ab interitu vindicarunt, vel
magis excoluerunt. Nos de initiis do-
mestici ritus differentes, primum, vo-
camus Rosarium, uti nunc est, eam præ-
candi formam, omnibus notam, com-
pactam ex centum quinquaginta Ange-
licis Salutationibus, & quindecim Ora-
tionibus Dominicis, secundum decadam
series digestis, cum piis meditationibus
Incarnati Verbi Mystéria spectantibus.
De aliis orandi ritibus, vel, si ita vo-

b

care

care libet, Rosarii generibus à nostro
diversis, primisque eorum auctoribus ag-
re nostrum non est. Sufficit notas omni-
bus esse preces illas, de quibus est disse-
rendum. Videntur autem ea nomine
donata, quod sertum quoddam exhi-
beant, veluti e variis rosis, flosculisve
elegantè contextum. Hac ratione plu-
rima quæ objici possent, Rosario ali-
ter accepto, statim corrunt, ut contin-
git, cum in quæstionibus quibusvis,
sublatis dubiis, & æquivocis vocibus,
claræ rerum idæ adhibentur. Tum
extitisse precum Deiparæ rudia quæ-
dam, longèque diversa primordia, prio-
ribus Ecclesiæ sæculis, ultro fatemur; ac
tandem ad Sanctum Dominicum, origi-
nem, de qua est sermo, referimus.
Quod si qui moleste ferent eam sancto
Benedicto inlyto tot illustrium pieta-
te, ac scientia Monachorum parenti,
acceptam hic non referri, incusent illi
primum eruditum orbem, qui idem
sentit. Neque tamen de eo quidquam
loquutus fuisssem, nisi ipsimet Benedi-
cti filii, qua sunt humanitate, & in
Prædicatores benevolentia, non tantum
Do-

Dominicum eo honore auctum vellent, verum etiam ad id ostendendum viam sternerent, quod præstitit vir æterna memoria dignus, & clarissimæ Benedictinæ familiæ immortale decus, Johannes Mabillonius, sæpe a me in posterum memorandus.

IV. *Satis Prædicatorum Ordini, ejusque optimo parenti consultum videretur, si ritum veterem neglectum ipse restituisset, & cætus, ac societates, in quibus frequens foret, fundasset. Ea etiam ratione, non injuria dici posset, ab eo profluxisse. Verum, cum ab illo, ut nunc est, præterea inventus fuerit, nemo certe potiori jure eum sibi vendicet, contendimus omnino ab ipso initium esse repetendum. Facem utique ei prætulerunt Monachorum vetustissimi, qui uni Deo in solitudine vacantes, pias quasdam preces sæpius interdum, noctuque repetebant, pluribus ad opem memoriæ ferendam excogitatis. Dominicus præstantissimum modum selegit, partes, numerum, certum denique ritum constituit, cætusque id peragentes fundavit. Hæc cum Sancti Patris com-*

commendatione conjuncta esse nemo non videt. Plurimum ille Christianam Rempublicam ea ratione juvit, præsertim vero nobilissimas Gallia civitates, atque provincias, ubi primum hanc excellentiorum precum elegantem, ac facillimam formam à Deipara accepit, & ubi illibata morum integritate, doctrina, scriptis, laboribus, prodigiisque Divina virtute patratis, rem catholicam labantem restituit, & impia hæreseos vires compluries prostravit.

V. Itaque dum sanctum Dominicum Auctorem Rosarii extitisse contendo; una vulgari opinione non nitor. Expendenda hæc fuit ad lancem sanctoris critices, cum non raro pro majorum traditionibus alia obtrudantur. Historia, mores, disciplina, hæreseis, & monumenta ævi, quo sanctus Pater floruit, consulenda fuerunt. Patuit ex illis omnia sibi constare quæ ad hanc originem pertinent. Ritus noster etiamsi tunc natus non fuisset, potuisset tamen ea tempestate in lucem emergere, immo nunquam alias magis apposite, tantum

tum abest, ut quidquam in illo cum histo-
ria fide, & sæculi rebus gestis pugnet.
Hypotheses, & Systemata tam affabre
concinnari vix possunt, ut sibi omnia
constent, si a veritate abhorreant.
Mendacia se ipsa produnt, nec semel.
Hac de causa petitum ab Ordinis Do-
minicani traditione scripta argumen-
tum omnino est maximi roboris, præ-
sertim, cum sententiæ nostræ pluri-
ma suppetias ferant, & ea, quæ pro
aliis adducuntur, cum nostris nullo
pacto sint comparanda. Norunt erudi-
ti quique duplex esse traditionum ge-
nus. Aliæ ab aliquot saltem sæculis lit-
terarum monumentis consignatæ sunt;
aliæ nullis ejusmodi fundamentis nitun-
tur, sed una accepta a majoribus opi-
nione, vel lege. Hæ quidem quam-
quam prioribus concedunt, non conti-
nuo nutant, nec sunt rejiciendæ,
ut nos admonet Clarissimus Ludovicus
Thomassinus agens de Mabilloniana
Dissertatione de Pane Eucharisti-
co Azymo, ac Fermentato, to. I.
Oper. Postum. Jo. Mabillonii, &
Theoderici Ruinarti illustrium Benedi-

Elinorum Paris. 1724. pag. 204. ubi paratum se testatur ad pugnandum pro Traditione non scripta. Sed longe major habenda est ratio Traditionum prioris generis ad quas revocatur nostra Dominicana, scriptis, & rationibus pluribus munita. Igitur non nuda traditione pugnamus, sed illa, pro qua confirmanda cuncta conspirant. Hinc, neque à negante argumento, à quibusdam objecto, nobis metuemus, neque afferri quidquam videmus quod nos à sententia deterreat. Hac methodo dum utimur, confidimus fore ut plerique probent conatum nostrum, & ipsi fortasse iniquiores critici non improbent. Quid enim reponant? Falsi, an malæ fidei nos postulent? Possidemus optimo jure, Patrisque nostri hereditatem tuemur. Clamant pro nobis bonæ fidei possessoribus jura, clamat Patrum traditio, clamat præscriptio, æterna populorum lex.

VI. Multo accuratius plura pertractata fuissent, si nonum in annum a me potuisset premi hæc qualis qualis lucubræ

bratio. Modo, cum in lucem prodeat,
 exorandi mihi sunt qui eam perpen-
 dent, ut ad rem ipsam potius, quam
 ad verba, vel alia quævis minoris
 momenti animum advertant. Occur-
 rent sæpe, (nam & hujus monendi
 sunt) Auctorum loca, eaque longius-
 cula; sed illorum neminem pœnitebit,
 cum spectent fere ea tempora, de qui-
 bus est sermo; in pauca autem con-
 trahere illorum sæculorum monumenta,
 religioni habuimus. Ut vero, tum hæc,
 tum Romanorum Pontificum diplomata,
 magni ubique, hic præsertim, pon-
 deris, in medium afferre liceret, ab-
 stinuimus recentioribus Auctoribus,
 qui adduci poterant, & valere iusti-
 mus obsoletas quasdam in hac quæstio-
 ne sententias, quibus pauci subscripse-
 re. Consulēt qui plura de Rosario nos-
 se voluerit. Thomam Malvendam in
 Annal. O. P. Justinum Miecoviensem
 in Litan. B. Virginis, Jacobum Per-
 cinum in monumentis conventus Tolos.
 Jacobum Lafon in Præfat. Apolog.,
 Henricum Spondanum, & Abraha-
 mum Blovium ad An. 1213., aliosque

sexcentos, maxime Illustrissimum Prosperum Lambertinam Archiepiscopum Theodosiensem de sacro hoc ritu optime meritum. Nos ad Traditionem nostram omni argumentorum genere confirmandam aggredimur, a Romanorum Pontificum sanctionibus exordium ducentes, easque totidem verbis, ut diximus, exhibentes. Huc spectant quaecumque dicentur; quod si aliquanto diutius in Albigenensium haeresi, & Protestantium commentis morabimur, id neque abs re futurum est, nec injucundum illis, ad quos Dissertatio nostra pervenerit.

VII. Quonium vero plurima minoris momenti videri nonnullis possent, perpendant haec Magni Basilii Caesar. Capad. Episc. verba, lib. de Spiritu Sancto, cap. 1. Nam haud oscitanter audire sermonem de rebus divinis differentem, sed conari quid in quaque dictione, quid in quaque syllaba reconditi sensus lateat perscrutari, non est eorum qui segnes sunt ad pietatem, sed qui intelligunt scopum nostrae vocationis. ἀλλὰ γνωρίζοντων τὸν σκοπὸν τῆς κλήσεως ἡμῶν. Subjicit autem ad rem nostram,

stram, nec vero quoniam alicui vide-
 buntur minutæ, ob id videri debent
 & negligendæ quæstiones: immo quo-
 niam difficilis est inventu veritas, un-
 dique nobis est vestiganda. Etenim si
 quemadmodum ceteræ artes, ita &
 pietatis acquisitio paulatim minutis ac-
 cessionibus augefcit, nihil est prater-
 mittendum iis qui ad cognitionem insti-
 tuuntur: veluti si quis prima elementa,
 ut res minutas, contemnat, quan-
 do ad perfectam perveniet sapientiam?
 ὥς ἐῖ τις τῶν πρῶτον στοιχείων ὡς σμι-
 κρῶν ὑπερίδοι, ποτὲ τῶν τελείων τῆς σο-
 φίας ἐφάψεται;

IMPRIMATUR.

Si videbitur Reverendissimo Patri Magistro
Sacri Palatii Apostolici.

N. Baccarius Episc. Bojanen. Vicefg.

A D P R O B A T I O

Illustrissimi & Reverendissimi Domini

D. JUSTI FONTANINI

Archiepiscopi Ancyranı &c.

M Andato mihi facto a Reverendissimo Patre Magistro Sacri Palatii Apostolici, attente legi, & accurate perpendi R. P. Thomæ Vincentii Monelæ Ordinis Prædicatorum *Dissertationem de Origine sacrarum precum Rosarii Beatæ Mariæ Virginis*; eamque erudite, atque eleganter scriptam, probavi, & luce publica dignam censui.

Ex ædibus palatinis in Quirinali. X. Kal. Octobres,
anno MDCCXXV.

Justus Archiepiscopus Ancyranus.

LIT-

L I T T E R Æ

Reverendissimi Patris Magistri Generalis
Ordinis Prædicatorum.

NOS FR. THOMAS RIPOLL

*Sac. Theologiæ Professor , ac totius Ordinis
Prædicatorum humilis Magister
Generalis , & Servus .*

H Arum serie , nostrique autoritate Officii , facultatem , quantum in nobis est , concedimus tibi R. P. Fr. Thomæ Vincentio Moniglia Ordinis nostri , ut possis typis mandare Opus , cui titulus *Dissertatio de Origine Rosarii* , a te compositum , ac de mandato nostro revisum , & approbatum a duobus in sacra Theologia Magistris ejusdem Ordinis nostri , scvatis alias de jure servandis . In quorum fidem &c. Datum Romæ in Conventu nostro sanctæ Mariæ super Minervam . Die 1. Octobris , 1725.

Fr. Thomas Ripoll
Magister Ordinis ,

Reg. fol. 4.



Fr. Dominicus Ponsi , Magister ,
Exprovincialis & Socius .

AD-

A'D P R O B A T I O DOCTORUM ORDINIS.

Jubente Reverendissimo Patre Thoma Ripoll Ordinis
Prædicatorum Magistro Generali, eruditam ac ele-
gantem *Dissertationem de Origine Rosarii Genitricis
dei Maria*, a R. P. Thoma Vincentio Moniglia sa-
cræ Theologiæ professore Ordinis FF. Prædicatorum
elucubratam, data opera, perlustravi. Quo quidem
in Opusculo, insuper habitis nonnullis morosis, &
hypercriticis Censoribus, S. Dominico instituti
Prædicatorum parenti acceptam refert Rosarii, ut
nunc est, institutionem, quod quinquaginta supra
centum salutationes Angelicas, cum quindecim
Orationibus Dominicis complectitur, adjunctâ
quindecim præcipuorum humanæ Redemptionis
Mysteriorum pia meditatione: Afferit, inquam,
omnique argumentorum genere demonstrat, disertis
scilicet scriptorum probatissimæ fidei testimoniis,
avita, perpetuaque traditione, quæ a tempore
S. Dominici, ad nostram usque ætatem in Ordine
Prædicatorum jugiter fuit conservata; variis diplo-
matibus Romanorum Pontificum, præsertim Leo-
nis X. Pii V. & Sixti V. qui luculenter profitentur
S. Dominicum esse Auctorem Rosarii. Unde hanc
De Origine Rosarii Dissertationem laude, & publica
luce dignissimam censeo; cum nihil in ea, nec a re-
cta fide, nec a bonis moribus alienum sit, sed totum
varia, reconditæque eruditionis plenum, multam-
que

que præferat verborum elegantiam, & rerum copiam. Datum Romæ IV. Non. Octob. anno 1725. in Conventu sanctæ Mariæ super Minervam.

*Fr. Antonius Bardon Sacræ Facultatis Parisiensis
Doctör, & Cathedra-
ticus Casanatensis, Ordinis
Fr. Prædicatorum.*

TAmetsi non is ego sum, qui Critices disciplinam elato supercilio despiciari velim, quin potius suam ei laudem tam libenter impertiar, quam qui libentissimè; hoc tamen ausim affirmare, me semper abhoruisse a studio quorundam pseudo-criticorum, qui pruriginosa de omnibus præpostere dubitandi libidine flagrant, & receptas Traditiones, atque opinionones, quæ fidelium pietatem alere possunt, infelicibus conjecturis abolere, & evellere pro viribus molliuntur. Invaluit jam pridem in clarissimo Prædicatorum Ordine perpetua, sibi-que semper constans opinio, & Summorum Pontificum diplomatibus confirmata, Scriptorum probatæ fidei locupletissimis testimoniis comprobata, multisque argumentis roborata Traditio, quæ Rosarii institutionem acceptam refert sancto Dominico, hujus Sanctissimi Ordinis Fundatori. Hanc tamen opinionem, tam altis defixam radicibus, hanc perverus- tam Traditionem, quæ hæcenus in sacro illo Ordine sacra- servata est, nonnulli hacce tempestate ad novam- crisin revocare tentarunt; in quos subinde calamum- jure optimo acuit, eosque refellendi demandatam- sibi provinciam ultro suscepit R. P. Fr. Thomas- Vincentius Moniglia Ordinis Prædicatorum, vir sa- ne pereruditus, & auctor illius elegantis *Dissertatio-
nis,*

nis, cujus examen Reverendissimus Pater Thomas Ripoll, Totius Ordinis Prædicatorum Generalis Magister, censuræ meæ concedidit, & in qua nihil omnino offendi, quod Fidei & bonis moribus adversetur, nihil etiam, quod superciliosi Critici ac morosi censores ungue signare, aut censura aliqua notare possint. Quocirca, hanc *Dissertationem*, in qua laudatus Auctor huic Controversiæ (si qua adhuc sit) de vero Rosarii Institutore, ultimam diem impoluisse, & omnes offusas ei antehac tenebras, admota veritatis luce plenissime dissipasse mihi videtur, dignam esse judico, quæ publica luce donetur, utpotè quæ Fidelibus haud mediocrem utilitatem, & Auctori suo magnam laudis segetem sit allatura.

Datum Romæ in Conventu Minervitano Ordinis
FF. Præd. Die IV. Mensis Octobris anni MDCCXXV.

*Fr. Ignatius Hyacinthus Amat de Graveyson Sacrae
Facultatis Parisiensis Doctor, & Collegii Casan
natis Theologus, Ord. FF. Prædicatorum.*

IMPRIMATUR,

Fr. Gregorius Selleri Ord. Præd. Sac. Pal.
Apost. Magist.

IN-

INDEX

CAPITUM.

CAPUT I. *Romani Pontifices sanctum Dominicum Rosarii Auctorem agnoscunt.* 1.

CAPUT II.

Rosarii Mariani origo & epocha constituenda non est ante sancti Dominici ævum. 12

CAPUT III.

Rosarii Mariani origo & epocha non statuenda post sancti Dominici ævum. 34

CAPUT IV.

Sanctum Dominicum Rosarii Mariani Auctorem extitisse ostenditur. 49

CA-

CAPUT V.

*Origo Rosarii Mariani ex Albigen-
sum historia illustrata.* 68

CAPUT VI.

*Vetustiorum de Rosarii Mariani origi-
ne silentium sententiam nostram non
convellit.* 99

CAPUT VII.

*Nonnulla ad Rosarium pertinen-
tia.* 116

DIS-

DISSERTATIONIS
DE ORIGINE ROSARII
BEATÆ Mariæ VIRGINIS
CAPUT I.

*Romani Pontifices Sanctum Dominicum
Rosarii auctorem agnoscunt.*

I.



LURES Summi Pontifices Apostolicis diplomatibus, quibus Rosarium Marianum & illius sodalitatem commendant, & Ecclesiæ thesau-

CAP. I.

ris ditant, sanctum Dominicum ejus institutorem agnoscunt, & summis laudibus ob hujusmodi inventum precandirum, prosequuntur. Leo X. Pont. Max. Const. *Pastoris æterni*, edita Romæ A.D. 1520. prid. Non. Octobr. *sane*, inquit §. 1. *pro parte dilectorum filio-*

A

rum

Constitut.
XLVI. Leo.
X. in magno
Bull. Rom.
edit. Lug-
dun. A. 1692.
to. 1. p. 624.
Dat. Pont.
An. VIII.

CAP. I.

rum Prioris , & Fratrum domus Prædicatorum Coloniensium , nuper exhibita petitio continebat , quod olim , prout in historiis legitur , à S. Dominico quædam Confraternitas utriusque sexus fidelium de Rosario ejusdem B. Mariæ Virginis nuncupata , ad honorem Angelicæ Salutationis instituta , & in diversis mundi partibus prædicata fuit , sequentibus signis. Sed cum ipsa Fraternitas , decursu temporis , fere neglecta fuisset , & in oblivionem transisset , ac Anno 1475. Civitas & Diæcesis Coloniensis gravibus bellis premeretur , eadem Confraternitas ad laudem & honorem præfatæ Virginis , ut Civitas & Diæcesis prædicta , meritis & intercessionibus ejusdem Virginis , ab eis bellis liberaretur , in ecclesia dictæ domus innovata , & de novo instituta fuit , cum certo modo orandi , videlicet quod Confratres , & sorores ejusdem Confraternitatis , tribus diebus cujuslibet hebdomadæ , ad honorem Dei , & præfatæ Virginis , ac contra imminentia mundi pericula , legerent , conjun-

junctim, vel divisim, toties Angelicam CAP. I.

Salutationem, quot sunt psalmi in psalterio Davidico, singulis decem Salutationibus hujusmodi Orationem Dominicam semel præponendo; & modum orandi hujusmodi, psalterium, si- ve Rosarium ejusdem B. Virginis vulgariter appellatum. Subsequentibus verbis adducit Constitutiones aliorum Pontificum, & decreta Legatorum Sedis Apostolicæ pro Rosario, cuncta approbans precibus Johannis Ducis Juliacensis, & Montensis, & Mariæ conjugis, ac Sibyllæ Brandenburgensis Marchionis, ejusdem Mariæ genitricis. Itaque Leo X. sancto Dominico acceptum refert Rosarium, idque historiarum monumentis niti testatur, ut patet consulenti Constitutiones hujusmodi, quas idcirco in medium adducimus.

II. Sanctus Pius V. Constitutione, *Consueverunt Romani Pontifices*, edita pariter Romæ die 17. Septembr. A. 1569. idem profitetur §. 1. his verbis: *quorum exemplo adductus, &*

Constitut.
S. Pii V. in
M. Bullar.
Rom. edit.
Lugdun. r. r.
p. 285. Edita
est Anno IV.
Pontificat.

A 2

Spi-

Spiritu sancto , ut pie creditur , afflatus Beatus Dominicus (cujus institutum & regulam , cum in minoribus essemus , expresse professi sumus) simili , qua nunc temporis , occasione , quo Albigenſium hæreſi partes Galliarum & Italiæ miſere vexabantur , & tam multos excæcaverunt ſæculares , ut in Domini Sacerdotes & Clericos ſæviſſime furerent , levans in cælum oculos , & montem illum glorioſæ Virginis Mariæ almæ Dei genetricis , quæ germine ſuo tortuoſi Serpentis caput obtrivit , & cunctas hæreſes ſola interemit , ac benediçto fructu ejus ventris , mundum primi parentis lapſu damnatum ſalvavit , & de quo , ſine humanis manibus , abſciſſus eſt lapis ille , qui ligno percuſſus , gratiarum aquas affluenter produxit , reſpiciens modum facilem , & omnibus pervium , ac admodum pium orandi , & precandi Deum , Roſarium , ſeu Pſalterium ejusdem B. Mariæ Virginis nuncupatum , quo eadem Beatiffima Virgo , Salutatione Angelica centies & quinquagies , ad nume-

me-

merum Davidici Psalterii repetita , & Oratione Dominica ad quamlibet decimam , cum certis meditationibus , totam ejusdem Domini Nostri Jesu Christi vitam demonstrantibus , interposita , veneratur , excogitavit , excogitatum per S. R. E. Patres propagavit , orandique modo prædicto , affecclas , B. Dominici fratres , videlicet Ordinis prædicti , divulgato , & à nonnullis accepto , cæperunt Christifideles iis meditationibus accensi , iis precibus inflammati , in alios repente mutari , hæresum tenebræ remitti , & lux Catholicæ fidei aperiri ; & ad hanc orandi formam , pro locorum diversitate , sodalitates per Fratres ejusdem Ordinis ad hoc à suis Superioribus legitime deputatos institui , & confratres in eis describi : Quid clarius adduci poterat non tam pro Rosarii origine , quam pro ejus commendatione à Sanctissimo Pontifice ? Hæc altius menti infigenda sunt , cum paucis præstantissimas psalterii dotes complectantur .

CAP. I.

III. Concinit Pio Gregorius XIII.

Constit. VI.
Greg. XIII.
in Magn. Bul.
lar. Rom.
edit. Lugd.
t. 2. pag. 372.
edita est Ro-
mæ 1. April.
Pontif. A. I.

Constitutione, *monet Apostolus*, An. 1573. instituens prima die Dominica Octobris festum Rosarii ob insignem victoriam à Christiana classe de Turcis reportatam. Ita de Rosarii auctore loquitur §. 2. *memores B. Dominicum Ordinis Prædicatorum institutorem, cum & Gallia & Italia à perniciosis premeretur hæresibus, ad iram Dei placandam, & Beatissimæ Virginis intercessionem implorandam, piissimum illum orandi modum instituisse, quod Rosarium, seu psalterium Beatissimæ Virginis Mariæ nuncupatur &c.* In litteris autem, quarum initium, *dudum si quidem pro parte dilectorum filiorum Johannis Antonii Tramontani* An. 1575. sententiam ferens pro FF. Ordinis Prædicatorum Scalensibus in Regno Neapolitano, decernit ad eorum ædem transferendam esse societatem Rosarii, utpote quæ spectet ad jus Dominici instituti, cum à D. Dominico ejus origo sit repetenda: *callide tacuerunt*, queritur de

Bullar. Con-
frater Ord.
Præd. edit.
Rom. An.
1668. pag.
109.

de Prædicatorum adversariis, quod modus orandi in dictis literis nostris expressus, Rosarium Beatæ Mariæ Virginis nuncupatus, tanquam à D. Dominico dicti Ordinis Fundatore inventus existeret, & erat peculiaris ipsius Ordinis, & ubi aliqua domus ejusdem Ordinis reperiebatur, in eisdem dumtaxat constitui solebat, & quatenus per prius in alio loco constitutus reperiebatur, statim, domo dicti Ordinis in eodem loco erecta, ad eandem domum, & illius ecclesiam ipso jure, & de facto censeretur translatus.

IV. Idipsum testatur quoque Sixtus

V. Constitutione, *Dum ineffabilia meritorum*, A. 1586. Attendentes itaque ait §. 1., *quam Religioni nostræ fructuosum fuerit Sanctissimi psalterii, Rosarii nuncupati, gloriosæ, semperque Virginis Mariæ almæ Dei genitricis institutum, per B. Dominicum Ordinis Fratrum Prædicatorum auctorem, Spiritu sancto, ut creditur, afflatum, excogitatum, quantaque ex inde mundo provenerint, & in dies*

Const. XXI.
Sixti V. in
Bull. Rom.
t. 2. p. 520.
edita est Ro-
mæ 30. Jan.
An. Pont.

A 4 pro-

CAP. I.

proveniant bona &c. Auctarii loco adjiciam in Rosarii commendationem quæ sequuntur §. 2. *Earumque confratres, ac sorores à quamplurimis, & præsertim fel. rec. Urbano IV., & Johanne XXII., a Sixto etiam IV., nec non Innocentio VIII., & Alexandro VI., & Clemente VII., & Paulo III., ac Julio etiam III., ac Paulo IV., Pio etiam IV., ac Pio V., & postmodum Gregorio XIII. Romanis Pontificibus prædecessoribus nostris, ac nonnullis Sedis Apostolicæ, cum potestate Legati de Latere, Nunciis, nedum confirmationem, & augmentum, earundem Confraternitatum, sed etiam Indulgentias, ac privilegia, & indulta merito obtinere meruerint &c.* Animadvertendum est, Urbanum IV. A. 1261. creatum fuisse Pontificem, & Johannem vulgo dictum XXII., An. 1316. quo pateat asserta à Romanis Pontificibus hujus ritus vetustas.

Literæ Clement. VIII.
editæ Romæ
Ex Typogr.
C. Ap. An.
D. 1602. &
1724.

V. Non tantum originem, de qua agimus, à Dominico repetit Clemens VIII., verum illius epocham illigat A.D.

A. D. 1216. quo Romæ saltem à CAP. I.
 sanctissimo viro pro concione primum
 commendatus fuit ejusmodi precatio-
 num ritus . Ita in litteris Apostoli-
 cis , quarum initium , *Ordo Prædica-*
torum , Dat. Rom. A. 1601. Pontifi-
 catus anno 10. de Ecclesia Sancti Sixti
 in Urbe , via Ardeatina , loquitur :
prima Ecclesia est , quæ S. Dominico
in Urbe concessa fuit , ubi suum ipse
Ordinem instituit . Deinde in Ecclesia
ejusdem monasterii , Sanctus Domini-
cus B. Virginis Rosarium instituit , &
promulgavit A. D. 1216.

VI. Alexander VII. in Brevi , *cum*
sicut , Dat. Romæ A. D. 1663. die 2.
 Maii Pontif. A. IX. Christifidelium
 pietatem in D. Dominicum laudans ,
 ait : *cum sicut nos alias accepimus in*
diversis orbis Christiani partibus , pia
erga S. Dominicum Ordinis Fratrum
Prædicatorum Fundatorem , & Rosa-
rii B. Virginis Mariæ Auctorem , de-
votio induc̃ta fuisset , prout idipsum de
præsenti etiam viget &c. Non minus
 Rosarii , quam Ordinis Prædicatorum

In Bullar.
 Confrat. O.
 P. Rom. ex
 Typograph.
 R. Cam. Ap.
 Ann. 1668.
 pag. 139.

CAP. I.

Breve Inno-
cen. XI. apud
Percin. O. P.
in Mon. Co.
Tolosani.
edit. Tolos.
An. 1693. de
Rosar. p. 1.
c. 1.
Autograph.
Brev. Cle-
men. XI. ex-
tat apud Sa-
cristam S.
Mar. supra
Minervam.

auctorem vocat Dominicum , quasi utrumque eadem ratione exploratum foret . At cum in confesso sit apud omnes , eum Ordinis sui fundamenta jecisse ; certum quoque est ex Alexandri mente , hujus ritus sanctum Patriarcham auctorem extitisse . Ejus vestigiis insistit Innocentius XI. in similibus literis die 7. Febr. A. 1683., atque eadem prorsus verba usurpat ; quod pariter præstat Clemens XI. A. 1704. die 25. Januar. Pontif. A. IV. Tandem Benedictus XIII. Romanus Pontifex , qui Catholicæ Ecclesiæ feliciter clavum moderatur , ut paternam , summaque in Ordinem suum benevolentiam , omnibus ceteroqui perspectam , magis magisque ostenderet , hoc Jubilei Anno 1725. die 26. mensis Martii , probavit sacræ Rituum Congregationis sententiam , latam pro Lectionibus Rosarii secundum Romanum ritum , in quibus sanctus Dominicus harum precationum Auctor agnoscitur , mensis ejusdem die 10. ad preces Eminentissimi Cardinalis Augusti-
ni

ni Pipia , Ordinis nostri tum Generalis Magistri meritissimi , quem honoris gratia nomino . CAP. I.



CA-

CAPUT II.

*Rosarii Mariani origo & epocha
constituenda non est ante
Sancti Dominici
ævum.*

CAP. II.

I.



I ante Sanctum
Dominicum, &
sæculum XIII.
institutus fuisset
Deiparæ pre-
cum ritus ad
Psalmorum Da-
vidis numerum
ordinatus, ma-

xime id contigisset ævo, vel Sancti Be-
nedicti Occidentalium Monachorum
principis, vel Venerabilis Bédæ, vel
Concilii Celichytensis in Anglia, vel
Petri Ambianensis eremitæ, de quibus
infra erit sermo. Nulla tamen hujusmo-
di institutio solidis nititur fundamentis;
quapropter dicendus non est fuisse in-
ventus ante Sanctum Dominicum.

II. In-

II. Inter veteres scriptores, qui disertim de Rosario loquuti videntur, principem sibi vindicat locum Sancti Thomæ Aquinatis æqualis & condiscipulus Thomas Cantipratanus Ord. Præd. qui A. D. 1250. florebat, ac eodem fere tempore opera quædam conscripsit, quorum utilitatem, ac fidem commendat Cardinalis Bellarminus in libro de Scriptoribus Ecclesiasticis. Hic propius ad Rosarium nostrum accessit, cujus ritus facer comprehendit 150. Angelicas salutationes, & 15. Orationes Dominicas, nec non Christianæ Religionis Mysteriorum præcipuam mentionem, ut patet ex Pontificum Constitutionibus: quæ omnia in *tribus quinquagenis*, a Cantipratano memoratis inesse facile poterant: immo triplicem Mysteriorum seriem, *triplex* ejusmodi *quinquagena* quodammodo præ se ferre videtur. Ait siquidem Cantipratanus in l. 2. de Apibus c. 29. n. 6. *Juvenem fuisse prope nostra tempora in Germaniæ partibus certa relatione didicimus, quem quidam miles patruus ejus non modice miseratus, die quadam*
ob-

*Inducto ab
induciis, re-
tardare, re-
morari, Ita-
lice indulgia-
re.*

obvium alloquitur dicens. Volo ergo ut gloriosam Dei genitricem Mariam salutes quinquaginta vicibus omni die. Adolefcens quotidianis his precibus ad meliorem frugem redactus est. Interea triplicem quinquagenam, patruo hortante, persolvere cœpit. Sed cum uxorem duceret, ipsa nuptiarum die recordatus est, se non adhuc ex more Virginem Mariam salutasse: repente surgens susurrat patruo ut paululum induciet fercula ministranda: quo annuente, solus juvenis intrat thalamum, solvit Matri Christi quod voverat tanto devotius, quanto se clementius probaverat exauditum. Nec mora, ubi extremam salutationem trinæ quinquagenæ jam complevit, apparuit ei gloriosa Virgo lucidior super solem, tres thecas in tunica sua juveni, unam anteriorem, & duas laterales ostendens; ecce, inquit, Salutationes tuæ literis aureis scriptæ, quibus me in tribus quinquagenis sedulus honorasti. Felicissimus adolefcens, vix tertia die elapsa ad cœlestes nuptias fuit evocatus. Cum id, quod narratur, contigerit prope tempora Scripto-

ptoris, & hic precandi modus patruo militi notus esset, patet, sub initium sæculi XIII. adhibitas fuisse has preces, Deiparæ maximopere gratas, & fidelibus utilissimas. Idem auctor ibidem iterum de precibus Mariæ verba facit: *quid iterum*, ait, *de triplici quinquagena in Salutatione versus Angelici Ave Maria, anno ab Incarnatione Domini 1251. contigerit, referamus. Vidi & cognovi juvenem in Brabantia partibus generosum, qui, quamvis esset totaliter sæculo deditus, Beatæ tamen Virgini Mariæ devotus, quotidie tres dictas quinquagenas in salutationibus exolvebat.* Spectant hæc omnia, ut constat, idem sæculum XIII.

III. Initio ejusdem sæculi XIII., imo ad finem vergente duodecimo, meminerunt auctores nonnulli *quinquagena* Angelicarum precationum. Consultatur Cæsarius Heisterbacensis Cisterciensis monachus dist. 7. c. 48. qui eandem à matrona, à monacho, & ab alio quodam usurpatam narrat, & Stephanus de Borbone O. P. apud nostrum Jacobum Echardum tom. 1. Biblioth. O. P.

Bibliotheca
Cisterciensis.
Bertrandi
Tissier to. 2.
Vixit Cæsarius
sub Honorio 111. R.
Pont. ut habetur
ex c. 21. dist. 5.

CAP. II.

Stephanus
de Borbone
Ord. Præd.
obiit circa
An. 1260.

Mabillon.
Præfat. in
Sæcul. 5. n.
121.

Concilia
Provinciæ
Rotomag.
Guilel. Bes.
fin edit. Ro-
tomagianno
1717. par. 2.
p. 84.

pag. 189. quemdam afferens, *qui singulis diebus quinquagies flexis genibus B. Virginem salutabat, quod audit ab ejus filio monacho Cluniacensi, dicto Stephano de Marusiaco, qui non est defunctus.* Sed Oratio Dominica nullum adhuc locum in illis precibus sibi vindicabat. Id certum est ex Cæsario, Cantipratano, Stephano, aliisque pluribus, tunc Salutationem Angelicam frequens in ecclesia adhibitam fuisse. Mentio Angelicæ Salutationis post Symbolum & Orationem Dominicam occurrit exeunte sæculo XII. in Statutis Odonis Parisiensis num. 10. his verbis: *exhortentur populum semper presbyteri ad dicendam Orationem Dominicam, & credo in Deum, & Salutationem beatæ Virginis.* Eadem totidem verbis præscribuntur sæculo XIII. in *præceptis Johannis de Cropeto* Vicarii Guilelmi de Favacuria Archiepiscopi Rotomagensis, & alibi passim. Non tamen adhuc mos ille obtinebat admiscendi aliquot Dominicas Orationes Angelicis. Nam quod de Ida Cisterciensi refert Angelus Manriqueus in An-

num. 8. huc non spectat. Ida siquidem *singulis diebus undecies centenis genuflexionibus terram tetigit, toties repetitis orationibus, aut decantatis eodem numero Beatæ Matris & Virginis Mariæ Salutationibus*. Non simul utramque orationem fundebat, sed quandoque solas Dominicas preces, vel alias, quandoque Salutationes Angelicas tantum. Ida Dominici fere ævo vixit.

IV. Jacobus de Vitriaco, qui eodem tempore floruit, in actis S. Mariæ Oegnienensis, ut etiam refert Vincentius Bellovacensis O. P. ejusdem sæculi Scriptor, in Spec. Histor. l. 30. c. 24. de Maria narrat, quod *totum psalterium super pedes stando legens, per singulos psalmos, flexis genibus, B. Virgini Salutationem Angelicam offerebat*. Obiit illa An. 1213. sextum supra tricesimum annum nata. At (quamvis Dominici æqualis fuerit) una Angelica Salutatio sæpius repetita, non quindecim Dominicis Orationibus intermixta, sed centum quinquaginta psalmis, Rosarium non constituit.

B

V. Idem

Apud. Sur-
rium Junij
23. tomo 3.
p. 853.

CAP. II.

Surius in Vi-
tis Sanctor.
to. 2.

V. Idem de Aiberto Monacho sentiendum, qui vixit labente Sæculo XI., & XII. ineunte. Ille quidem *centies per diem flectebat genua*, & *quinguagies prostrato quidem corpore*, sed articulis & digitis sublevato, ad unamquamque genuum curvationem dicebat *salutationem Angelicam*. Ita ejus acta apud Laurentium Surium, die 7. Aprilis. Sed nullus tunc videtur locus relictus Dominicis Orationibus, ut de Mysteriis vitæ Jesu Christi sileam: Has difficultates, non inficior, objici posse Cantipratensis precibus, ut ut de Rosario ceteris facilius explicari possit. Verum si constaret, ne Cantipratensem quidem de eo fuisse loquutum, magis magisque evinceretur epocham & originem illius ante sæculum XIII. non esse constituendam: Si Cantipratensis de Rosario ne verbum quidem habet, id sententiæ nostræ non officit, nec ullam nobis molestiam exhibet; si vero in *tribus illis quinquagenis*, & *tribus thecis* Rosario præ oculis habuit, hoc monumentum erit inter antiquiora quæ pro his Angelicis precibus,

a psal-

a psalmis Davidicis, quorum numero CL. respondere noscuntur, *Psalterii*, nomen interdum sortitis, laudari possint. Nam lapillis, vel ligneis globulis, vel alia quavis arte, ad memoriæ subsidium, preces quaslibet ad numerum effundere, prætermisiss vel Angelicis Salutationibus, vel Orationibus Dominicis, vel Mysteriorum meditationibus, vel alio ritu, ac numero adhibitis, toto cælo distat ab eo orandi genere, de quo est sermo in præsentia. Veteres eremi incolæ preces ad numerum repetentes, ne aberrarent, *calculis* utebantur, ut plures memoriæ prodiderunt, maxime Palladius. Immo *calculis*, vel *globulis* invicem colligatis, iisque ferecentum, non tantum Christiani, sed Turcæ quoque orant, Dei nomina, quæ excellentiora putant, veneraturi, pro certo habentes fore, ut Cœlum hac illis ratione pateat: nec absimile est quod de Japonum precatoriis coronis scribit Horatius Tursellinus in Vita S. Francisci Xaverii. l. 3. c. 7. Hæc cum ita se habeant, miramur quibusdam in mentem

B 2 venif-

Histor. erem. mitica Heriberti Rosneydi 1.8.c. 23.

Barth. Herbelot Biblioth. Orient. v. *Esmâ* sive nomina.

CAP. II.

Collect.
Præfat. &
Dissert. Ma-
billon. edit.
Trident. J. A.
1724. p. 452.

venisse nostri Rosarii originem referre ad ea Sæcula, in quibus ne minimum quidem ejus vestigium apparet.

VI. Quod attinet ad Sæculum VI. & ad Sanctum Benedictum, Johannes Mabillonius inter ejus Monachos, immo inter eruditos quosque viros, veterum monumentorum, & Ecclesiasticæ Antiquitatis peritissimus, Præfatione in Sæculum V. Ordinis S. Benedicti, & Benedicto, & Bedæ hanc inventionem abjudicat. *Si salutationis Angelicæ usus* (inquit num. 125.) *nondum invaluerat, ut superius ostendimus, ævo S. Benedicti, neque Bedæ, frustra ejus institutio ad illa tempora revocatur.* Luculentissime ostenderat num. 119. Salutationem Angelicam non fuisse in vulgari, ac frequenti fidelium usu decem prioribus Ecclesiæ Sæculis, quanquam Deiparam semper coluerit Ecclesia; attuleratque ad id ob oculos ponendum magni roboris argumenta deprompta ex auctoritate Eligii in homiliis ad populum, ab Audoëno relatis, Bedæ in Epistola ad Egbertum à Waræo edita, Ahitonis, seu Atto-

Attonis Basileensis Episcopi, Theodulfi, CAP. II.
 atque Walteri Aurelianensium præsu-
 lum in suis Capitularibus, Leonis Pa-
 pæ IV. in sermone, & Ratherii Veron-
 ensis Episcopi in sua Synodica. Ita
 enim populum & populi pastores com-
 monefaciunt, *Symbolum & Orationem*
Dominicam cum fide & devotione dici-
te. Attendite ut parochianis vestris Sym-
bolum Apostolorum, & Orationem Do-
minicam insinuetis. Huc accedit, in an-
 tiquioribus libris Sacramentorum idem
 fere usuvenire. In *Codice* edito a vene-
 rabili Cardinali Josepho Maria Thoma-
 sio, viro pietate, & doctrina præstan-
 tissimo, nonnisi *Symbolum, & Oratio*
Dominica explanantur in scrutinio pro
 Catechumenis, ut vetus quoque Missa-
 le Gallicanum confirmat. Neque hic,
 neque alibi, neque apud Historicos, ne-
 que in Conciliis, neque in Regularum
 Monasticarum Codicibus, vulgati &
 frequentis usus illarum precum, de
 quibus jam nobis est quæstio, uspiam
 apparet vestigium. Idcirco noster do-
 ctissimus Ignatius Hyacinthus Grave-

Edit. Romæ
 A. 1680. p.
 54. 58. 445.
 & 452.

Tom. 3. S.
Greg. Magn.
edit. Pari-
sienſis Ann.
1705. p. 657.
in Offertor.

ſonius Pariſienſis Doct̃or, & Theolo-
gus Caſanatenſis in Hiſtor. Eccleſiaſt.
Sæculorum XIII., & XIV. Mabillonii
ſententiam ſuo calculo adprobat.

VII. Ne quis vero, Mabillonium
in jus vocet, quaſi Deiparæ iniquior
fuerit, dum vulgarem, ac frequentio-
rem uſum Salutationis Angelicæ ſe-
quiori ævo conſignat, obſervandum
eſt, ad vindicandam illius vetuſtatem
adduci ab ipſo Magnum Gregorium
Romanum Pontificem, in cujus An-
tiphono legitur Dominica IV. Ad-
ventus. Appoſite ibi in Præfatione
notatur, Magnum Gregorium, tum
hujus Libri, tum libri Sacramentorum
collectorem potius atque recognito-
rem, quam primum auctorem fuiſſe,
ut optime deſumitur ex verbis Johan-
nis Diaconi l. 2. Vit. ſancti Gregorii,
cap. 6. *Antiphonarium centonem com-
pilavit*, eo quod plurimum, & anti-
quiorum foetus eſſet id operis.

VIII. Et quoniam huc ventum eſt,
ut Angelica Salutatio tam in Roſario
frequens magis illuſtretur, ac prima
ve-

veluti hujusce ritus rudimenta detegamus, non abs re erit in veteris ecclesiæ usu Mariam per sæpe salutandi, tantisper immorari, quamvis id à Patribus pro concione populum alloquentibus, & verbis parum immutatis, ac diversis factum sit. Deiparam quidem maximis ubique laudibus antiquitas venerata est, at postquam Sæculo quinto Nestorius, & octavo Iconomachi in eam furere cœperunt, multo magis floruit ejus cultus, damnatis Mariæ hostibus à Patribus, Concilio Ephesino, aliisque, Deoque in honorem tantæ Virginis ubique extructis magnificis aris, ac templis, hymnis præterea, ac precibus plurimis in ejus commendationem compositis. Sanctus Cyrillus Alexandrinus, homilia Ephesi habita contra Nestorium in D. Mariæ Virginis æde, *salve*, ait, *itaque à nobis Sancta mystica Trinitas, quæ nos omnes in hanc Mariæ Deiparæ Ecclesiam convocasti. Salve à nobis Deipara Maria venerandus totius orbis thesaurus, lampas inextin-*

In A&Con-
cil. Oecum.
Ephes. A&
1. to. 3. Col.
lect. Concil.
Labbeip. 583

guibilis, corona virginitatis, sceptrum rectæ doctrinæ, templum indissolubile, locus ejus qui loco capi non potest, Mater & Virgo &c. Salve &c. Postquam autem sexcentis id genus vocibus eam extulit, subdit, *ecquis hominum laudabilissimam Mariam pro dignitate celebrare queat?* Hæc non intra privatos parietes, domesticumve facellum, sed in insigni tota Asia æde sacra, coram Ephesinæ Synodi Patribus Anno 431, cunctis plaudentibus, de Maria dicebantur. At quodnam illustrius monumentum afferri potest Sermone sancti Johannis Damasceni in Annunciationem, Johannis illius, cujus æterna memoria, ut habet Synodus VII. Oecumenica, Act. 7. *Hodie Gabriel, inquit, festivissimæ hujus celebritatis chororum princeps, reginæ sursum acclamet, & dicat, Ave Gratia plena Dominus tecum. Hodie nos etiam qui luteæ linguæ sumus clamemus, & gloriosissimæ ac luciferæ Dei, Salvatorisque nostri Jesu Christi Matri verba quædam gratiosa dicamus, vocibus istis*
ju-

To. 2. Oper.
S. Johann.
Damasc. edition.
P. Le-
quienii O. P.
Paris. Ann.
1712. p. 835.

jucunde gratulantes , Ave gratia plena , Dominus tecum , benedicta tu in mulieribus , & benedictus fructus ventris tui . Repetit deinde sæpissime , Ave , & Ave gratia plena , adjectis semper magnis , variisque Mariæ laudibus , & tandem his orationi finem imponit , Ave , Ave quæ vere es super omnes benedicta ; Ave propter quam nos hodie captivi laudatores quadruplicem hanc salutariorum compellationum pentacontadem contexuimus . Ceterum , optima Domina , misericordiam extendas tuam in eos qui te noverunt , ac respice in servos tuos . Quadruplicem hanc Damasceni pentacontadem , seu quinquagenam vindicare à plurimis Heterodoxorum injuriis , atque dictis ritum nostrum constat , qua propter non abs re erit ipsamet Græca sancti viri verba hic exhibere .

χαῖρε ὄντως ὑπερφλογημένη , χαῖρε , διὸ ἡμεῖς σήμερον οἱ ὑψίστοι ἐπαινέται ταύτην ἐξυφάναμεν ἢ τετραπλῶ τῆς χαρποῦσιν παρρησιῶν πεντακοντάδα . ἀλλὰ ὡρτάμενον τὸ ἑλεῖς σε πανάγαθε δέσποινα τοῖς γινώσκουσί σε , καὶ ἴδε ὅτι τὰς δόλως σε .

Idem

CAP. II.

Tom. 2. p.
849. ex cod.
Regio 2350.Bibliot. PP.
Lugdun. An.
1677. to. 100
p. 629.

Idem Damascenus Sermone II. in Deipara natalem diem , edito Græce primum à cl. Michaelē Lequienio O. P. sæpissime usurpat *Ave* , à quo sibi temperare non posse videtur. An non in *quingenis* illis exordia quædam apparent precationum earum , quas posterioribus sæculis Mariæ cultores amplexi sunt? Sub idem tempus , hoc est initio Sæculi VIII. S. Andreas Cretensis Archiepiscopus eadem ratione B. Virginem compellat, Oratione IV. breviorē in Annunciat. *Consonis Gabrieli vocibus ad Virginem clamemus Ave gratia plena , Dominus tecum , ex qua salus Christus Deus noster assumptam naturam hominum ad se revocavit . Obsecra ut salutem consequamur animarum nostrarum ;* quæ quidem Angelica Salutatio , ut illa Damasceni paulo ante allata , vix abludit à nostra ; re certe consentit , si minus postremis verbis . In quinta Oratione in idem argumentum plusquam vices repetit illud Angeli *Ave* , & exponit hæc verba, *Ave gratia plena , Dominus*

nus tecum , benedicta tu inter mulieres , & benedictus fructus ventris tui . Ut Orientalis , & Occidentalis ecclesiæ ceteros Patres præteream , colophonem imponat S. Germanus Patriarcha CP. eorumdem temporum scriptor , & celeberrimus Sacrarum Imaginum propugnator , qui pluries Angeli verbis Mariam alloquutus , subjicit tandem , *verum hæc quidem nos exilissimi ex scriptura divinitus inspirata edocti , indignis labiis ad cælestem Sponsam , Reginamque , ac Dei Genitricem sumus proloquuti ; nunc autem , desideratissimi , superest ut ad Divinam Archangeli Gabrielis Salutationem veniamus .* Hæc rudimenta quædam psalterii , seu precationis nostræ jure quis vocaverit .

IX. Leve omnino est , ex Anglicæ voce *Bedes* qua Rosarium nuncupatur , contendere Bedam ejus Auctorem fuisse . Potuit alia de causa sic vocari , ait ibidem cl. Mabillonius , *puta à beltide , quæ vox in Concilio Celichythenfi usurpatur .* Beltis oritur
à vo-

CAP. II.

à voce Saxonica *belt*, quam latine *cingulum* interpretatur Henricus Spelmannus, apud eruditissimum *Carolum Cangium* in Glossario mediæ & infimæ Latinitatis, v. *Beltis*. At hic diutius morari foret operam perdere; citius enim è pumice aqua exprimatur, quam ex ea voce Bedæ institutio.

Concil. Lab-
bei to. 7. p.
1484.

Fortasse ex-
pleta Synaxi.
textus cor-
ruptus ca-
stigatione
indiget.

X. Synodus Celichythenensis coacta in Anglia 6. Cal. Augusti, A. D. 816. Canone X. de Exequiis Episcoporum agens, statuit ut *Singuli servorum Dei diem jejurent, & triginta diebus canonicis horis expleto Synaxeos, & septem beltidum Pater-Noster pro eo cantetur*. Canon hic nullum nobis facessit negocium, etsi à Spelmanno, apud Mabillonium, & Cangium ad nostrum *Rosarium* trahatur, obtorto utique collo, si de Rosario nostro loqui velimus. Ipsomet Spelmanno fatis est agnoscere ibi *cingulum*, vel aliud quidpiam simile ad opem memoriæ ferendam in Orationum Dominicarum ad numerum recitatione; Ro-
sa-

farium autem à nobis, immo à cunctis, multo pressius sumitur. Hinc Spelmanno haudquaquam accedit Cangi-
gius v. beltis ubi ait *verum an Rosarii usus ea tempestate extiterit, jure addubitari potest*; ejusque commentum merito rejicit Mabillonus.

XI. Petro Ambianensi eremitæ sæculo XI. Rosarium adjudicat Polydorus Virgilius, de Invent. rer. l. 5. c. 9. Descripto enim hoc orandi ritu, & enumeratis 150. Angelicis Salutationibus ad illum spectantibus, cum 15. Orationibus Dominicis subdit, &
id Deiparæ Virginis psalterium nuncupant. Ejus rei auctor fertur Petrus Eremita, homo Gallus, civis Ambianensis, qui ab hinc annos 430. hoc est circiter annum salutis humanæ 1090. sanctitate floruit, egitque cum Urbano Romano Pontifice ut bellum Asiaticum à nostris sumptum fuerit, quo Hierosolyma recepta sunt. Hæc ille; sed ad fontes, ex quibus haurit hanc originem, digitum non intendit. Nos ei de veteri institutione loquenti post annos

Sub Urban.
 II. Roman.
 Pont.

nos quadringentos sine ullo teste, tantum non deferimus, ut in ejus sententiam descendamus. Fucum fortasse fecit Polydoro alius tunc orandi ritus in honorem B. Virginis ab eodem Urbano II. Romano Pontifice ejus instauratore, decreto probatus A. 1095., atque præscriptus in Concilio Claremontano, pro sacro bello, coacto, ubi sancitum est, *ut hora B. Mariæ quotidie dicerentur, officiumque ejus diebus Sabbati fieret*, ut ex Gaufrido Priore Vosiensi refert cl. Mabillonius Præfatione sæpius laudata n. 117. Aliam deceptionis causam detegit idem n. 127; suspicatus confundi à Virgilio Petrum cum alio Eremita, cui Divina revelatione constitit, Deiparam intercessisse pro quodam Theoderico, eoquod uxor illius Ada, *Angelicam illam Salutationem, singulis diebus, sexagies explicaret*, ut narrat Herimannus Abbas in libello de restauratione Cœnobii S. Martini Tornacensis. Tandem imponere potuit Virgilio id quod superius de Aiberto Monacho, ejusque Ange-

Angelicis Salutationibus adnotavimus, maxime cum ambo sub Urbano II. pietate insignes extiterint. At cum idem auctor Dominicas preces, singulis decadibus, in Rosario postulet, semetipsum jugulat; nulla enim de illis mentio in consimili ritu occurrit Sæculis XI. & XII. Nil ejusmodi precibus vel Adæ uxoris Theoderici, vel Aiberti cum psalterio nostro commune, demtis Angelicis Salutationibus. Merito itaque Mabillonius, atque Gravesonius Virgilii narrationem rejiciunt; maxime cum apud Wilelmum Tyri Archiepiscopum Sæculi XII. Scriptorem diligentissimum, in libris de bello sacro; quibus sacrarum expeditionum historiam complectitur a Concilio Claromontano An. 1095. usque ad An. 1180. altum sit ubique silentium de eare, licet Petri Ambianensis sapius meminerit.

Graves. Hist. Eccles. Sæcul. XIII. & XIV. Col. 104. VI. 10. 5. p. 522.

XII. Clarissimum Mabillonium purgantia scribere quis suspicari possit, quod in Annalibus Benedictinis, post Præfationem sæpe laudatam editis, An.

Tom. IV. p. 462.

1044.

1044. n. 69. & 70. *Rosarium* antiquius putet, ac ipsemet primum existimaverat; etenim loquens de Godiva illustri femina, optime merita de Coventriensi Monasterio, videtur vocasse *Rosarium circulum gemmarum* ad quarum contactum preces enumerabat. Revera vir doctissimus sibi constat. Non loquitur in Annalibus de *Rosario*, uti nunc distributum est, & de quo agitur in præsentia, sed eo nomine quamcumque precatoriam coronam donat. Hinc *genus quoddam Rosarii* fuisse preces, ac circulum Godivæ autumat. Immo, ut ostendat eam orandi formam jam tum obtinuisse, confugit ad Salutationes Angelicas quas Ada *Sexagies explicabat*, ut diximus, subjiciens, *hæc ergo origo videtur Coronæ, quam vocant, Beatissimæ Virginis*. Non igitur de nostro, sed de alio ritu loquitur, quem, quo mavult nomine, insignire, viro summo, per nos, licet. Ceterum, quamvis Godiva singulari in B. Virginem pietate fuerit, nos latet tum numerus


merus ejus precum, tum cujusmodi illæ fuerint. Cum igitur nulla rationum momenta cogant, non videtur dicendum Rosarium inventum ante XIII. Sæculum.



CAPUT III.

*Rosarii Mariani Origo , & Epochæ
non statuenda post Sancti
Dominici ævum .*

CAP. III. I.



D temere constituitur quod nullis prorsus momenti, nulla auctoritate asseritur; cum enim res gestæ, seu facta à testium fide pendeant, plane constat, futile esse ac nutare quidquid, his sublatis, proprio Marte excogitatur. Rosarii epocham temporibus Dominicum subsequutis, vix ullus alicujus nominis scriptor constituit; quapropter dici illud nequit opus auctoris recentioris. Quo autem hoc magis, magisque constet, animadvertendum est, si liceret commi-

minisci inventum fuisse Rosarium posterioribus sæculis , id solum videri posset contigisse circa annum 1460. , vel 1470. , tum cum intermortua hæc precandi forma cœpit ad lucem revocari ab Ordine Prædicatorum . At quivis sanæ mentis ultro fatebitur , tunc quidem ejusmodi orandi morem ab interitu fuisse vindicatum , minime vero in lucem emeruisse . Operæ pretium est id paullo accuratius enucleare , cum inde evinci nullo fere negotio possit Sanctum Dominicum Rosarii institutorem extitisse .

II. Ut argumentum præteream petitum à Thoma Cantipratenſi ſuperius laudato , & à *tribus quinquagenis* Angelicarum ſalutationum , ipſomet Dominici ævo , de quibus agit , Alanus a Rupe Aremorius Ord. Prædicatorum , qui anno præter propter 1470. omne ſtudium contulit ad inſtaurandum hunc ritum pæne collapſum ob deſidiam hominum in iis , quæ ad religionem pertinent , ſe non aliquid novi in medium proferre , ſed

veterem morem iterum restituere sapissime testatus est, maxime in Apologia Rosarii ad Episcopum Tornacensem edita à Johanne Andrea Coppenstenio O. P. Neque vero id dumtaxat singulis fere verbis profitetur, sed ea adducit prisca moris monumenta, quæ fidem omnino faciant. Qua fronte scriberet cap. 8. n. 12. Apologiæ, nisi veritati studeret: *Est sacrarum Virginum Monasterium Gandavi, in quo ab annis fere ducentis istud habent psalterium quotidie in canonicarum horarum vice persolvendum inde usque à majoribus sic traditum, & acceptum? Quo pacto n. 14. quereretur de precum mutilatione? Verumtamen, proh dolor! Ab hinc annis 70., vel 80., per quendam mihi bene notum, ex devotione ipsius singulari, divinum hoc psalterium fuit detruncatum, & ad solam quinquagenam redactum.* subjicit paulo post, quibus ex omnibus de plano liquet quod docere, vel prædicare psalterium Virginis Mariæ minime de ulla novitatibus

*tis nota iuste suspectum haberi, culpaeque possit. Hæc & cetera quæ affert, tum Tornacensis Episcopus, ad quem scribit, tum frequentissimi ipsius Alani auditores, tum adversarii nonnulli qui Rosarium carpebant, ejusque propugnatores sugillabant, facile refellere potuissent, immo sublestæ fidei postulare, & falsi arguere acerrimos illos Rosarii vindices, Alanum maxime, qui inter eos familiam ducere videbatur. Ceterum nihil illis objectum est. Contra, precatio B. Virginis magis magisque floruit, atque ejus assertorum maxima semper fuit existimatio. Unum, sed omnium inctar, testem satis sit adduxisse Johannem Trithemium Sancti Benedicti monachum, & scriptorem eruditum in opere de Scriptoribus Ecclesiasticis ea tempestate exarato, qui hæc habet de Alano, & Rosario: *Alanus de Rupinatione Theutonicus Ordinis Prædicatorum, vir in Divinis Scripturis eruditus, in declamandis sermonibus ad populum excellentissimæ opinionis, vita**

Trithem. de
Script. Eccl.
edition. Ba-
sileen. An.
1494. v. A-
lanus. Theu-
tonicus do-
micilio ali-
qua ratione
dici posset.
Revera Gal-
lus fuit, Bri-
tannus, Arc-
moricus.

CAP. III.

Obiit: An.
1475. die 8.
Septembr.
in Fefto Na-
tivit. B. Vir-
ginis Ex Ec-
cardo in Bi-
blioth. to. I.
pag. 49.

S. Ephemer.
Ord. Præd.
die VIII. Sep.

* excriptis
fortasse Tri-
them.

& conversatione Deo devotus , & B. Mariæ semper Virginis amator præcipuus , ejusque Rosarii , & famulatus promotor venerandus , à qua etiam singulari dono supernæ consolationis aliquoties meruit recreari , & jam in æterna felicitate refoveri ; scripsit inter alia ingenii sui opera &c. Meritur autem in Conventu Zuvollenfi sub Friderico Imperatore III. , & Sixto papa IV. Anno Domini MCCCCLXXIV. Indictione VII. in vigilia Assumptionis B. Mariæ Virginis , cujus Rosarium , & Passionis Christi recordativum psalterium , quod diu jam fuit neglectum , revocavit ad mentes , & exercitia hominum , ob cujus honorem Confraternitatem instituit , quæ per Apostolicam Sedem confirmata in dies augetur , & multis salutare præbet exercitium. Consulantur scriptores Ord. Prædicatorum de Alano agentes .

III. Idem sentit Sixtus Senensis O. P. in Bibliotheca sancta V. Alanus : Alanus Rupensis * Germanus , vir in divinis scripturis eruditus , in declamatio-

tionibus sacris egregius , vita & conversatione venerandus , & B. Mariae semper Virginis amator praecipuus , scandalitii quoque illius quod sub nomine Rosarii Divae Virgini dedicatum est , instaurator , ac promotor . Pietatem , atque doctrinam ejusdem perspectam habuerunt Patres nostri Congregationis Hollandiae , vastissimae quondam , & florentissimae , in convocatione , ut dicebant , Harlemi habita An. 1476. die 12. Maii , paucis ab ejus obitu elapsis mensibus , mandatur , inquit , omnibus Prioribus ut faciant diligentem inquisitionem de libris , & tractatibus , seu compilatis pia memoriae magistri Alani , & quicquid de eis repertum fuerit , tam in originalibus , quam in transumptis & excopiatis , Reverendo Vicario Generali quantocius transmittatur . Fucum fecisse Christifidelibus vir tantus nullo pacto credendus est , aut ab ipso primum excogitados , impudenterque divenditos vetustos codices & auctores (unde unde eos nactus fuerit) ad quos iden-

CAP. III.

Obiit An.
1475. men-
se Septemb.
Vide Echar-
di Biblioth.
O. 1^a. to. 1.
p. 849.

CAP. III.

Lib. XI. de
hum. histor.
auctor c. 6.
p. 317. edit.
Parav. An.
1714.

P. Lafon.
O.P. ex Ro-
farii Codice
Tolosano.
subscribunt
Monachi S.
Bened. Se-
nat. aliique.

Echard. V.
Johan. Ex-
curia seu de
la Cour-five
Vvten hove
to. I. p. 870.
Excerpta
sunt ex Cod.
MS. Bibliot.
Eccles. Tor-
nac. exarato
An. 1476.

tidem provocat . Morum sanctitatem maxime conducere ad historicos inter-noscendos nemo sanæ mentis inficiabitur , ut animadvertit vir summus familiæ nostræ Melchior Canus lib. XI. de locis Theologicis , qui de hujusmodi rebus optime poterat judicare .

IV. Paucis post Alanum annis cœtus ob Rosarium recitandum ubique gentium coacti ; iis tamen persuasum erat alios consimiles longe vetustiores præcessisse , ut patet ex Tolosano , *Ad laudem Dei omnipotentis & beatissimæ Virginis Mariæ , sub anno Domini 1492. , circa finem Aprilis fuit renovata antiquissima , & sanctissima Confratria Rosarii , seu Chappelletti ejusdem gloriosæ Virginis Mariæ , in præsentî Conventu FF. Prædicatorum Tolosæ* . Adeo autem infixum erat mentibus pii hujus ritus cultorum Sæculo XV, altius repetendam esse ejus originem , ut cœtus illi B. Mariæ Virginis , & S. Dominici nominibus insignirentur . Constat ex litteris Fratris Johannis Excuria Vicarii Generalis Con-

*Agnosce-
ntes fidem & devotionem fratrum, & so-
rorum Confratriæ Virginis Mariæ,
& D. Dominici Ordinis Fratrum Præ-
dicatorum, quæ Confratria Duaci est
fundata in communicatione omnium me-
ritorum Spiritualium, & oratione psal-
terii Virginis Mariæ, sine obligatione
tamen ad quamcumque culpam, sive
mortalem, sive venialem--recipio ipsos
participes & præsentis & futuros in
cunctis bonis prædicationum, jejuno-
rum, vigiliarum, studiorum, & la-
borum &c.*

Const. Ord.
Præd. nul-
lum vel levi
crimine ob-
stringunt.

V. Accedit magni ponderis argu-
mentum ex Constitutione Sixti IV.
edita Romæ An. 1479. IV. Idus Maii
(incip. *ea quæ ex fidelium devotione*)
paulo post pii hujus ritus instaurationem.
Hunc Summus Pontifex antiquiorem vocat, licet tunc fuerit in-

Tom. I. Ma-
gn. Bullar.
Rom. edit.
Lugd. An.
1692. p. 432.
XVIII. in-
ter Constit.
Sixti IV.

no-

novatus . Sane pro parte dilecti filii nobilis viri Francisci Ducis , & dilectæ in Christo filia nobilis mulieris Margaritæ ejus contiboralis Ducissæ Britannia , nobis fuit nuper propositum quod in Ducatu Britannia & pluribus aliis locis , crescente fidelium devotione , ab aliquo tempore citra , innovatus est certus modus , sive ritus orandi pius , & devotus , qui etiam antiquis temporibus à Christi fidelibus in diversis mundi partibus observabatur , videlicet quod quilibet volens eo modo orare , dicit qualibet die ad honorem Dei , & Beatissimæ Virginis Mariæ , & contra imminetia mundi pericula , toties Angelicam Salutationem Ave Maria , quot sunt psalmi in psalterio Davidico , videlicet centies , & quinquagies , singulis decem salutationibus hujusmodi Orationem Dominicam semel præponendo ; & iste ritus , sive modus orandi , psalterium Virginis Mariæ vulgariter nuncupatur. Rosarium innovatum fuisse Sixti IV. ævo exploratum erat , nec ecclesiam la-

latere poterat , an tunc primum in CAP. III.

lucem prodiret , maxime cum pro
ejus approbatione Principes labora-
verint , & Fridericus III. Imperator,
& Alexander Episcopus Forolivienſis
Apoſtolica Sedis cum poteſtate legati
a latere in tota Germania nuncius, ut
habetur §. 2. Constitutionis *Pæſtoris*
æterni Leon. X. editæ A. D. 1520.

Bull. Rom.
edit. Lugd.
10.1. p. 624.

Raymundum quæque Tituli S. Mariæ
Novæ Preſbyterum Cardinalem in Ger-
mania Sedis Apoſtolica Legatum , nec
non plures Episcopos Anno circ. 1483.
Roſarium probaſſe , & eccleſiæ theſau-
ris locupletaſſe , teſtis eſt omni ex-
ceptione major idem Leo X. ibidem
§. VII. Nullus proſecto ſanæ mentis
dixerit , in rebus , non clanculum ge-
ſtis , ſed palam , & in publica luce ,
impoſitum fuiſſe impudentiſſime fide-
libus , Episcopis , Legatis , Imperato-
ribus , ſummis Pontificibus , totique
propemodum eccleſiæ .

VI. Toto ante revocatam poſtlimi-
nio Roſarii precationem , quam ſæpe,
ut innuimus , *Pſalterium* Deiparæ ap-
pel-

CAP. III.

Vita B. Clarae ex Ital.
MS. Monast. S. Domin.
Pis. in Actis Sanctorum
die 17. Aprilis to. 2. A.
pril. p. 506.

pellaverunt , sæculo, floruit B. Clara de Gambacurtis Pisana quæ primum viro nupta , postea Prædicatorum familiæ nomen dedit . Hæc ab ineunte ætate Rosarium adhibere consueverat, An. cir. 1374. siquidem An. 1362. orta est ex cap. 1. Actorum ipsius , annum vero duodecesimum agens precibus hisce vacabat ex cap. 2. *Duodennis effecta, supra quam ætas illa ferat , divinitus illustrata , præventa-que apparuit--Ergo sæpe cogebat cætus juvenicularum , quas circum se considerare faciens , prælegebat eis aliquid ex libro quopiam pio: itaque ad pietatem incitatas , nunc Dei laudes secum cantare jubebat , nunc flexis genibus Rosarium dicere , aut alias preces . Optime Daniel Papebrochius putat ejus historiam ab æquali sanctimoniali conscriptam , quod non obscure innuunt illa verba n. 21. Et quamvis naturaliter esset nauseabunda , quemadmodum in ejus morbis satis experiebamur , faciebat hoc tamen vincendi sui causa . Aliunde etiam patet quanti*

ti

ti faceret Orationem Dominicam, & Angelicam salutationem, nam male se habens, *Obsecro vos* (ait, eos qui aderant allocuta) *ut cuncti in genua prostrati singuli ter Pater & Ave recitetis in honorem sanctissimæ Trinitatis*. Rosarium quoque nominat Fr. Dominicus Scevolinus, natione Pice-nus, patria Fabrianensis in commen-tariis de rebus Fabrianensibus ad sua usque tempora, narrans piam quan-dam feminam Rosarium suum corpori B. Francisci Fabrianensis Ordinis Mi-norum admovisse. Florebat Scevoli-nus An. 1320. vix sæculo à fundato Prædicatorum Ordine elapso.

Echard. to.
i. Biblioth.
p. 551.

VII. A Rosario persæpe non differ-re, vocatum vulgo *Pater Noster*, non levis est conjectura, cum circa eadem tempora occurrant; neque aliter intelli-gendum videtur quod de miraculis in fu-nere Sanctæ Catarinæ Senensis patratis scribit B. Raymundus eidem à Sacris Confessionibus num. 383. *Parentes au-tem, puellæ phthisi laborantis, miracu-lorum per Sacram Virginem patratorum*
fa-

B. Raymun-
de Vineis
Capuan. O.
P. Gener.
Magister. E-
chard. to. i.
p. 680.

CAP. III.

Vita D. Cat.
& Agnet. in
Actis SS. to.
2. April. p.
809. & to. 3.
p. 948. edit.
Hensch. &
Papebroch.

fama percepta; ipsam eidem Virgini devote recommendantes, fecerunt eam tangere velum, seu Pater-Noster quæ Virginis corpus tetigerant. Nec silentio prætereundum quod habet idem Raymundus in Vita B. Agnetis Montis Politiani Virginis O. P. c. 9. num. 78. *Agnetis mortuæ sua Pater-Noster filo inserta Sororem quandam in manus accepisse, & cum deoscularetur fragrantem ex iis odorem percepisse.* Obiit B. Agnes anno 1317., ejusque gesta conscripsit Raymundus circa medium ejusdem Sæculi ex testimonio discipularum Agnetis superstitum. Sub idem tempus Humbertus Delphinus abdicato principatu in Prædicatorum familiam cooptatus est, sepultusque jacet Parisiis apud Prædicatorum: super ejus autem tymbo æneo sodales plures Ordinis ad latera sculpti Rosaria manu præferunt. Valbonna irius agens de Humberto in Historia Delphinatus affert computum apud Echaridum sæpius laudatum circa A. D. 1333. in quo legitur, *pro duobus filiis de Pater-Nostri de ambro.* In Historia Gallica Delphi-

phbinatus edita A. 1722. exhibentur hæc eadem areis formis cusa tom. I. pag. 352. Illinc vero constat Patriarcham Alexandrinum, & perpetuum Administratorem Remensem fuisse Humbertum, & obiisse A. D. 1355. die 22. Maii. In altero autem Operis tomo p. 271. habetur *Ex tractum Computi Johannis de Ponciaco Thesaurarii D. Humberti ab Anno 1333. usque ad annum 1336.*, in quo hæc leguntur. *Pro pectinibus sex, & speculis sex, & duobus filis de Pater-nostris de ambro, & duobus filis de Pater-nostris de curallo, & duobus filis de Pater-nostris de vitro, & una cona de plumbo. unc. I. taren. VIII. gran. XVIII. Item in quatuor filis de Pater-Nostris de chrystallo taren. IV.* Cona hic idem est atque Icona, ut appenderetur Rosario, quemadmodum nunc quoque fit. Quid? Quod ex Echardo eodem V. Petrus Dacus, An. D. 1270. Fr. Nicolaus Dacus dedit B. Christinæ Stumbeleni suum Pater-Noster quod personahter quatuor annis portaverat, nimirum, ut nunc sit, ad

20-

zonam appensum. Patet igitur ex tot
allatis monumentis, Rosarium circa an-
num 1470. innovatum quidem fuisse,
sed neutiquam recens ecclesiæ exhibi-
tum, multo minus alio quovis tempore
post Sanctum Dominicum. Alano hu-
jusmodi preces ab interitu vindicanti
idem omnino contigit quod Urbano II.
Romano Pontifici & Sancto Petro Da-
miano Cardinali alias B. Virginis pre-
ces, hoc est ejus Officium, sive Horas,
& Cursum, ut dicebant, excolentibus,
& promulgantibus. Etenim ut hi pro-
pterea crediti sunt harum precum, quæ
antiquiores erant, auctores, ita Alano
Rosarii inventio inepte à quibusdam ad-
scripta fuit. Facile est primas rerum
origines, utpote, minus obvias, & te-
nebris obsitas negligere, & prætermissa
diligenti investigatione, veterum in-
venta tribuere recentioribus magis no-
tis, ut sæpe usuvenit, illis maxime qui
aliquid sedulo excolendo suum quodam-
modo effecisse videri possint.

CAPUT IV.

*Sanctum Dominicum Rosarii Mariani
Auctorem extitisse ostenditur.*

I.



UÆ paulo ante
dicta sunt, non
abs re adno-
tata videbun-
tur, quando-
quidem nedum
viam sternunt
ad ostenden-
dum primum,

CAP. IV.

Rosarii Auctorem, verum etiam id
apud æquos rerum æstimatores evin-
cunt. Sæculo XV. Rosarium, non tan-
tum ut longe antiquior ritus è tenebris
erutus, palam, & ubique commenda-
batur, sed ut præclarum Sancti Domi-
nici inventum ad pietatem fovendam
celebrabatur, ipsique referebatur ac-
ceptum. *Iste est Apostolus ille psalte-
rii, de quo alma Dei Virgo, non semel
ei facta revelatione, mandatum, formam-*

D

que

que dedit ejusdem prædicandi : Ita de B. Dominico eo Sæculo Alanus Britannus sapius laudatus in Apologia Rosarii ad Episcopum Tornacensem c.8.n.10. Hinc Jacobus Sprengerus Ord. Prædicatorum, Fidei Quæsitore celeberrimus, eundem ritum Coloniae, alibi Michaël de Insulis ejusdem familiae, & innumeri eorum sodales ubique gentium complexi sunt, tanquam eum qui ad Ordinem Prædicatorum pertineret jure hereditario.

II. Quoniam vero reponi posset, hæc ab illis temere in vulgus sparsa fuisse ad fucum ei faciendum, vel, ut propriis rebus, qua jure, qua injuria, studerent; animadvertamus oportet, & illorum pietatem, & vetera monumenta quæ afferebant, & Principum, Legatorum, Sedis Apostolicæ, & Ecclesiæ totius mentem omnino impedimento esse, quominus tam præposterum judicium feramus de pia Rosarii institutione. Ut alia silentio præteream, adducam quæ Alanus scribit in eadem Apologia, c.8. n.13. *Sed & per-*
ve-

vetusti codices evidentissime testantur ipso facto me vera memorare, sicut in Gandensi Ordinis nostri Conventu, aliisque multis terrarum in locis doceri potest, neque pene est natio usquam fidelium, ubi non virorum innumerorum, ac mulierum antiqua Patrilogia visantur dictum ad modum disposita, & collecta. Conferri possunt quæ de Rosarii globulis Patrilogiis vocatis, eorumque structura Alanus asserit, cum iis, quæ diximus Cap. III. n. VI. & VII. Laudat quoque Johannem de Monte, & Thomam de Templo veteres Sancti Dominici sodales, qui in Rosarii commendationem libros quosdam conscripserint. Sed de hujuscemodi Scriptoribus & operibus judicium ferre in præsentia, tot ob temporum injuriam absumtis monumentis, res est admodum difficilis, & caligine obsita. De Johannis XXII. Pont. Max. sub initium Sæculi XIV. diplomate pro Rosario verba facit ibidem c. 13. Bullæ transumptum vidi, authographum Avenione in Conventu nostro asseratur, ut

CAP. IV.

audii. Sed hoc ubi nam extet modo ignoramus. Satis sit meminisse, Alani ævo superfuisse plura, quæ nunc expiscari velle sit operam ludere. Nilominus Sixtus V. in Constitutione *Dum ineffabilia meritorum* edita Anno 1586. meminit Constitutionis ejusdem Johannis XXII. pro Rosarii cœtu, immo cujusdam editæ ab Urbano IV. Uterque Pontifex erat eximius Deiparæ cultor, & Angelicam Salutationem maximi faciebat, nam ipsam *devote dicentibus* Ecclesiæ thesauros contulerunt, ut ex libello quodam narrat Mabillonius Præfatione toties allata nu. 128. Præterea Johannes XXII. statuit ter Angelicam Salutationem *Ave Maria* dicendam esse hora *igniteii*, ut testatur cap. 13. Concilium Parisiense celebratum A. D. 1346., & Concilium Beneventanum Provinciæ sub Hugone II. Guidardo Archiepiscopo Anno 1374., hisce verbis, Tit. 16. cap. 32. de iis quæ licent interdicti tempore, *Pro Ave Maria vero de mane & de sero, ut habet laudabilis consue-*

Bull. Rom.
to. 2. p. 520.

Johan. vulgo
dict. XXII.
creat. Pont.
An. 1316.
Urban. IV.
An. 1261.

Conc. Paris.
An. 1346.
adud. Lab.
t. XI. p. 1915.

Ignitegium.
quando nocte
adven-
tante ignis
tegitur *Pyr-*
tegium eadē
notione à
Græca voce
... *pyr.* seu
igni. V. Can-
gium. In
Glos. Lat.
V. *ignite-*
gium.

suetudo primitus adinventæ à recolendæ memoriæ Johanne P. XXII. possunt pulsari; loquebatur de ære campano, si-
ve de pulsu campanarum. Itaque ju-
re precationis hujus pene deperditæ
assertor Alanus in eadem Apologia
subjicit cap. 15. *Ordinis autem Fratrum
Prædicatorum proprium est, planeque
peculiare psalterium istud prædicare. -
Idem cum ex traditione accepimus, tum
ex relictis scriptorum monumentis, ut
legi. Innocentius VIII. Pont. Max.
quod tunc Ordo Prædicatorum de suo
Rosario sentiebat, Auctoritate Apo-
stolica confirmavit, cum Bartholomæo
Comatio Ordinis Generali Magistro,
& Generalibus comitiis, An. D. 1484.
largitus fuerit plenariam Indulgentiam
pro Rosarii sodalibus semel in vita, &
semel in mortis articulo, ut habetur
in Constitutione Pastoris æterni. Leo-
nis X. §. VI. Quid? quod idem Leo
X. ibid. §. 1. cum de Dominico tan-
quam psalterii hujus Auctore loqueretur,
usurpavit verba illa, prout in hi-
storiis legitur; unde patet plurima*

CAP. IV.

Conc. Benevent. ex
veter. M. S. Biblioth. ec-
cles. Benev. In Synodico
Benevent. edidit. Card.
Ursin. nunc Bened. XIII.
R. P. A. 1695. p. 282. Bene-
ven. & Romæ A. 1724.
p. 237.

Bull. Rom. edit. Lugd.
t. 1. p. 624.

monumenta interiisse quæ pridem supererant. Igitur, quod spectat ad ea quæ attulimus, Alani, & sociorum fidem in dubium vocare animi foret nimis pervicacis.

III. Patet, nisi egregie fallimur, Dominici ævo Rosarii, uti nunc est, epocham affigendam esse, non prioribus sæculis, neque sequutis. Quæ cum ita se habeant, quisnam, amabo te, primus Rosarii Auctor statuatur, si Dominicus causa cadat? Nullus alicujus nominis scriptor alium protulit, aut proferre poterit, cui potiori jure hujusce ritus, eo sæculo, acceptam referat ad inventionem. Nam quod attinet ad Sanctissimum insignis Minorum familiæ parentem, commentum ineptum, ac nulla ratione nixum damnavit Alexander VII. Pont. Max., litteris, quarum initium, *In Supremo Militantis Ecclesiæ folio*, Rom. A. D. 1664. die 28. Maji. Cum enim quidam contra clarissimi Ordinis sui Leges, Tolosæ Rosarium seraphicum excogitassent, *declaramus*, ait, *ad favorem dilectorum*

In Bull. Roman.
edit.
Lugd. to. 5.
p. 397. Con-
stitut. CLII.
Alexan.

rum filiorum Fratrum dicti Ordinis Prædicatorum Tolosæ commorantium -- nec posse prædictos &c. novum Rosarium sub titulo Seraphici, aut novem novenarum, vel alterius rationis inducere, prædicare, & docere &c. CAP. IV.

IV. Itaque non alius quam Dominicus, pro quo communis sententia pugnat, statuendus est ritus nostri Auctor. Et quidem Sancti hujus viri non vulgaris extitit in Deiparam pietas, quemadmodum maxima fuit Deiparæ in eum, ejusque Ordinem benevolentia: Hanc, ut alia præteream, ostendit indumentum ipsum Sacræ hujus familiæ, quod vivente adhuc Dominico, & B. Virginem exorante, Reginaldo Aurelianensi Decano, totique Ordini è Cælo attulisse, veteres Ordinis Scriptores memoriæ prodiderunt, maxime Vincentius Bellovacensis, & Nicolaus Trivetius in accuratissimo Chronico ad An. 1217. *Dominicus*, ait Vincentius, qui paulo post ejus obitum claruit, *totum se ad orationem contulit, aures Divinæ clementiæ, regi-*

Vin. Bellov.
Spec. Hist.
l. 30. c. 69.
Nic. Trive-
ti Chroni-
con extat in
Spicil. D'A-
clery to. 3.
p. 411. vet.
edit. & to-
mo. 111. p.
143. nov.
edit. Paris.
1723.

naque misericordiae Beatæ Mariæ, cui tamquam speciali patronæ, curam Ordinis totam commiserat, importunis clamoribus cordis interpellans &c. Tandem, subjicit Trivetus de B. Virgine quæ Reginaldo se videndam præbuit, ei habitum, quo nunc utuntur fratres, ostendens, ait, hic est habitus Ordinis tui. Huc spectant quæ scribit Thomas Cantipratensis l. 2. de Apibus: c. 53. num. 4., videlicet B. Virginem, noctu, ægrotanti Cœnobitæ Ord. Prædicatorum, qui mire erat deditus servitio matris Dei dixisse, ego mater Christi Patrona Ordinis tui præmunire te veni. Digna porro quæ adnotentur sunt verba ejusdem Sanctissimæ Dei Genitricis, apud eundem Cantipratanum ibidem c. 10. num. 16. alloquentis Monachum Cisterciensem insigni virum pietate; nam meos (ait) fratres, & filios recomendo, — & revelato pallio, Fratres Ordinis Prædicatorum sub eo contentos ostendit. Quid igitur mirum, Rosarium Deiparæ, quod, ut vidimus, Domini ævo institutum est, eidem eximio

mio tantæ Virginis cultori collatum ab eadem fuisse; & Ordini qui tum sub Mariæ auspiciis oriebatur ? Res est non solum nullis obnoxia difficultatibus (quid enim affertur quod hanc sententiam convellere, immo revera labefactare possit ?) verum rationi maxime consentanea . Injuria Ordo Prædicatorum à Dominico , Maria auspice natus , de paterna hæreditate dejiceretur ab illis qui nodum in scirpo quærunt . Cui potiori jure acceptum referatur Rosarium , quam illi , in quem tot à B. Virgine collata sunt beneficia tum cum fuit institutum ?

V. Fatemur ultro præcessisse Rosarii prima veluti rudimenta , ut diximus Cap. I. n. VIII. Sed nullus tradit numeris omnibus absolutum fuisse , vel variis quibus constat partibus donatum, ut de Mysteriis Christi Servatoris sileam , à quibus tantum splendoris mutuatur. Unusquisque prout illi arridebat, numerum quemdam precum persolvebat ; hæ vero erant quandoque plures, quandoque pauciores quinquaginta ,
vel

CAP. IV.

vel centum quinquaginta nostris . Maria Angelis verbis eo numero qui Davidis psalterio congruit pauci coluerunt , sed orationem Dominicam non adhibuerunt ; nemo præterea cœtum illum instituerat , qui ejusmodi preces usurparet . Cuncta hæc animo complexus Dominicus fertur , ac non injuria : ecquis enim , fodes , palmam illi præripuit ? Nullus in medium , Sæculo XIII. affertur , quod tamen factum opus erat ad vulgatam sententiam , quæ à tot annis obtinet , convellendam . Veteres traditiones ubi sæculorum moribus , & disciplinæ minime adversentur , immo illis apprime congruant , non sunt rejiciendæ , si ad incudem revo-centur , nisi maximis rationum momen-tis , quæ fidem omnino faciant , ac plane cogant . Dominici ævo frequens fuit Angelicæ salutationis usus . Id plura eorum temporum monumenta docent : ad psalterii numerum , vix repetebatur . Sanctus pater illum amplexus est , cui Divino afflatu , Orationem Dominicam tanquam omnium præstantissimam ,
adeo-

adeoque minimè prætermittendam sapienter addidit, atque præclaro quodam ordine digessit. Neque uni innixi traditioni Majorum contendimus sanctum virum pluribus Angelicis Orationibus Dominicas preces junxisse, quod tunc vix erat in usu; ita enim de illo scribit sequenti sæculo B. Raymundus in Vita D. Catarinæ Senensis num. 77. agens de Militia Jesu Christi dicta, cujus quoque S. Pater extitit Auctor, *Insuper assignavit eis quendam taxatum numerum Dominicæ Orationis, & salutationis Angelicæ, quem pro qualibet hora canonica quotidie deberent perficere orando, ut à divino officio non vacarent.* Itaque à vero non abhorret, immo constare putamus duplicem hanc precationem, præstanti quodam ordine ab eo fuisse dispositam.

Acta SS. r. 9.
April. p. 87.

VI. Sacri cujusdam coetus auctorem fuisse Dominicum tam certum est quam quod maxime. Extat insigne monumentum apud Petrum de Vineis Cancellarium Friderici II. Imperatoris, acerrimum hostem Prædicatorum, atque-

CAP. IV.

Obiit Anno
cir. 1239. Vi-
de edit. Am-
bergæ An-
1609. P. 226.

atque Minorum , qui Dominico sup-
par fuit , l. 1. epist. 37. *sacerdotium
conqueritur de Fratribus Prædicatori-
bus , & Minoribus , eorumque factum
reprimi poscit . Hi enim duas novas
Fraternitates creaverunt , ad quas sic
generaliter mares , & feminas recepe-
runt , quod vix unus aut una reman-
sit , cujus nomen in altera non sit con-
scriptum ; unde conveniunt singuli in
ecclesiis eorundem . Ita sacras familias
in ipsis exordiis toto orbe celebres
sugillat ad invidiam illis conflandam .
Non dubitamus quin Deiparæ sodali-
tatem vellicet Petrus , cum vetustas
illius in quibusdam templis Prædica-
torum à D. Dominico usque sit repe-
tenda . Sancti Patris , & Petri de Vi-
neis ævo , Alexander IV. Romanus
Pontifex , Apostolicis litteris com-
mendat Placentinam Confraternitatem
B. Mariæ Virginis in æde Prædica-
torum , largitus eidem Indulgentias
A. D. 1259. , ut videre est apud Pe-
trum Mariam Campium . Canonicum
Placentinum in Historia Ecclesiastica
Pla-*

Placentiæ . Eisdem subijcimus , quod maximum sententiæ nostræ robur adjiciant , quodque rem pluribus admodum gratam nos facturos existimus . *Alexander episcopus servus servorum Dei , dilectis filiis Rectoribus , Confratribus , & Sororibus universis Fraternitatis B. Mariæ Placentin. , Salutem , & Apostolicam benedictionem . Splendor paternæ gloriæ , qui hunc mundum illuminat ineffabili claritate , pia vota fidelium de clementissima ipsius majestate sperantium , tunc præcipue benigno favore prosequitur , cum devota ipsorum humilitas Sanctorum precibus , & meritis adjuvatur . Cum itaque sicut ex dilectorum filiorum Fratrum Ord. Prædicatorum Placent. insinuatione percepimus , Fraternitas vestra in honorem Gloriosæ Mariæ Virginis sit laudabiliter instituta ; nos digne volentes quod ipsa de bono in melius augmentetur . de Omnipotentis Dei misericordia , & BB. Petri , & Pauli Apostolorum ejus auctoritate confisi , omnibus vere pœnitentibus , &*
con-

Part. 2. pag.
216. ad An.
1259. & p.
406. n. cviii.
In Regest.
Privileg. ex
tabular. Præ-
dicat. S. Jo-
han. Placent.

CAP. IV,

confessis , qui se in eadem fraternitate collegas , & confratres hactenus statuerunt , vel statuerint in futurum , ac etiam semel singulis mensibus , secundum salubria & provida statuta in dicta ecclesia prædictorum Fratrum , ad Missarum solennia , & Dei verbum in commemoratione ipsius B. Virginis audienda convenerint reverenter , centum dies de injuncta sibi pænitentia misericorditer relaxamus . Dat. Anagninæ X. Calendas Februarii , Pontificatus nostri Anno quinto . Hæc quæ deperdita esse confirmant vetera diplomata , & codices , quorum summi Pontifices , Alanus , & ceteri meminere , minime obtorto collo cum Petro Maria Campio ad Rosarii societatem trahimus , quæ etiamnum , *semel singulis mensibus , secundum salubria & provida statuta* piis vacat operibus , & precibus , *in commemoratione ipsius B. Virginis .*

VII. Quis igitur falsi postulet Scriptores Ordinis Prædicatorum , quod domesticam sodalitatem Deiparæ ad
Do-

Dominicum referant? Nil verisimilius iis quæ habet Jacobus Percinus in monumentis Conventus Tolosani, nempe primum omnium Rosarii sacellum in Parochiali Ecclesia S. Jacobi Mureti exstructum fuisse anno 1213. quo Catholici insigni victoria ibidem potiti sunt, Dominici precibus, & Mariæ auspiciis, *indubitataque est urbis Mureti fides -- prout videre est veteribus scriptum characteribus ad ingressum dicti Sacelli*. Non absimile quidpiam testatur Cornelius Snechius O. P. de antiquis Rosarii sodalitatibus Harbestadiensi, & alia *B. Virginis de Trailia*. Prioris vetustatem desumit ex Codice, qui *statim post tempora S. Patris Dominici* scriptus videbatur, & quem Cornelii ætate licebat consulere, & de B. Virginis psalterio tantum agebat. Alterius originem ab Anno usque 1237. arcessendam putat ex consimili codice Ecclesiæ S. Petri Insulensis, *reperi, & manibus tenui quendam antiquum librum in pergamento de institutione Fraternitatis*. Sodales in

CAP. IV.

Muretum, five etiam Murellum, Mures, oppidum Gallie in Aquitania, & in tractu Convenarum ad Garumnam fluvium.

Percinus sc.
l. A. 1213.

Percinus de
Ros. p. 1. c. 4.

in album pii hujus coetus relati afferebant pia munuscula, Psalteria Davidis, & *Mariana*, sive *de Domina*. Qui velis, remisque Dominicum hujusmodi honore auctum non fuisse contendunt, non habent quo se recipiant, nisi reponant, excogitata cuncta ad libidinem, maleferiatos, ac nebulones fuisse id genus Auctores, omnia sibi licere ratos quæ poterant, vel pietati, vel etiam rebus domesticis prodesse. At nervum omnem intendant, seque in omne latus vertant, fateantur oportet se ad incitas redactos, dum ita nobis obviam ire posse confidunt. Parcius ejusmodi convitia objicienda sunt viris morum integritate, rerum usu, & doctrina præstantibus. Cornelius qui plura *de Serto Rosaceo* edidit, in Convocatione (ut tum vocabant) Ultrajectensi, An. D. 1505. die 22. Julii renunciatus est Vicarius Generalis Congregationis Hollandiæ amplissimæ, ea tempestate, & florentissimæ; hujusmodi vero dignitate insignitum fuisse virum qui frontem perfricuisset, quique

Echard. t. 2.
pag. 82.

que tam spissa mendacia spargeret, CAP. IV.
 quæ tam facile á quovis de trivio re-
 felli poterant, in codices inquirendo,
 purum putum somnium videtur.

VIII. Nihil frequentius *Confratriis*
 occurrit illis temporibus, quarum ma-
 xima, nisi fallimur, extitit Tolosana
 Anno præter propter 1211. cujus me-
 minit Guilelmus de Podio - Laurentii
 agens de Fulcone Tolosano Episcopo
 cap. 15. *juvante Legato obtinuit Tolo-*
sæ magnam fieri Confratriam. Ad-
 versum illam alia statim exorta est,
 potius vocanda (si ita loqui fas est)
Pseudo-Confratria, quod á nefariis
 quibusdam originem duxerit ad asse-
 rendam, totisque viribus propugnan-
 dam impietatem, *in Burgo adversus*
istam fecerunt alteram Confratriam,
vallatam vinculo juramenti, tamque
processum erat, quod ista diceretur
Confratria Candida, alia Nigra, ut
 Guilelmus ibidem subjicit. Difficulta-
 tem omnem, siqua superfuisset, sustu-
 lit Canon XLV. Concilii á Petro Be-
 neventano, Cardinali, Sedis Aposto-
 E licæ

Guilelm. de
 Podio Lau-
 ren. in Col-
 lectione Du-
 chesa. t. 5.
 p. 666.

CAP. IV.
 Conc. Labb.
 tomo XI.
 p. 103. Cele-
 bratur An.
 no 1214. 6.
 Idus Janua-
 rias juxta
 Gallica sup-
 putat, sed
 more Ro-
 mano An-
 nus 1215. la-
 bi coeperat
 ex Collart.
 eod. t. XI.
 p. 2330.

licæ Legato, coacti apud Montem-
 Pessulanum, An. 1215. mense Janua-
 rio, quo sancitum fuit, *non fiant de*
cetero Confratris, nisi accedente Epi-
 scoporum, ac Principum auctoritate.
 Cum enim in immensum excrescerent,
 ac novæ identidem pullarent, & in
 ea multitudine, pleræque, ut contin-
 git, in Ecclesiæ, & Reipublicæ per-
 niciem natæ viderentur, Concilium
 utrique consultum voluit, & utrique
 eo Canone contra præfens malum sup-
 petias tulit. Neque Petrus de Vineis
 omnino injuria conquestus esset, nisi
 quod aliis vitio vertendum fuerat, in-
 stitutis à Prædicatoribus, ac Minoribus,
 societatibus exprobrasset.

IX. Accedit multo vetustiores esse
 in Ecclesiâ has *Fraternitates*, ac pu-
 tant nonnulli in antiquis monumentis
 minus versati. Chartam vetustissimæ
 societatis initæ Sæculo IX. affert eru-
 ditissimus Cangius ex Tabulario Fla-
 viniacensi An. Verbi Incarn. 894. Alte-
 ram subjicit ex martyrologio Corbeien-
 si, An. 1137. Indict. 15. Tandem
for-


formulam admissionis in ejusmodi pios coetus adducit ex Chartul. Campan. Bibl. Thuan. fol. 299. spectantem ad Annum 1205. mens. Maj. paulo ante nostræ originem. Communes preces, & alia sunt in hisce Societatibus, Monachis, cum ceteris Monachis, Laicis, feminis, quibuslibet in album sodalitatis relatis. Hæc satis sit attulisse, nequis miretur nostram hanc Sæculo XIII. à Sancto Dominico institutam. Quod si quis quærat, quo Sæculi illius anno id contigerit, an circa 1213. ut quidam autumant, an prius, an posterius? reponimus nostrum non esse hujusmodi lites componere. Clemens VIII. existimat in litteris adductis, An. 1216. hoc accidisse, verum loquitur de iis quæ Romæ gesta sunt tantum. Quid alibi, in Gallia præsertim factum sit non attingit. Nobis exploratum est Sanctum Dominicum Rosarii Auctorem extitisse; quando vero hæc contigerint, an Anno 1213. an paulo ante, an paulo post, parvi refert; neque nunc id discutere vacat.

CAPUT V.

*Origo Rosarii Mariani ex Historia
Albigensium illustrata.*

CAP. V.

I.



Ullius laudibus
quidquam de-
tractum volu-
mus. Novimus
contra grassan-
tem Albigen-
sium hæresim
plures strenue
laborasse, at

Petrus scri-
ptor accu-
ratus nepos,
& comes
unius ex II.
Abbat. mis-
sis ab Innoc.
III. ad ex-
pugnandos
Albigen. a-
pud Duches-
ne. Hist. Fran.
Scriptor. to-
5. p. 554.

illorum pace, nemo Dominico fortius,
nemo felicius pugnavit. Testis est omni
exceptione major Petrus Vallium Cer-
narii Monachus, c. 7. Historiæ Albi-
gensium, & sacri belli in eos suscepti,
ubi Conciones, disputationes, & scri-
pta in hæreticos exarata commemorat;
unus autem inquit, *de nostris Domini-*
cus nomine, vir totius Sanctitatis. Scri-
pta vero ejus, addit, ter flammis inje-
cta, ad Catholicam Religionem, cu-
jus

jus causam tuebatur, confirmandam, ter, divina virtute, illæsa resiliisse. Quæ quidem commendatio Sanctitatis, doctrinæ, atque miraculorum, eo pluris facienda est, quod, vivente adhuc Dominico, contexta fuerit, cum Petrus opus suum Innocentio III. Romano Pontifici dicaverit. Consonat Gregorius IX. Pont. Max. in Bulla relationis Sancti Patris inter cœlites, edita Reate Anno Pontificatus VIII; non adhuc vicesimo labente à S. Patris morte, in qua sibi gratulatus, quod ei pridem fuerit familiaritate junctus, subdit, *omnis hæreticorum secta contremuit, omnis Ecclesia fidelium exultavit*, eo nimirum pro orthodoxa Religione pugnante. Eadem est mens Guilelmi de Podio-Laurentii Sæculi XIII. Scriptoris; etenim ex cap. 8. ut impiorum pervicacia coerceretur, Numinis Providentia, *duos de Hispania ad hoc opus produxit electos pugiles, Dominum Didacum Episcopum Oxomensem, & Religiosum virum, Sanctum postea declaratum Socium ejus Domini.*

CAP. V.

Bull. Rom.
edit. Lugd.
t. 1. p. 103.
Conf. VIII.
Greg. IX. in-
cipit *Fons sa-
pientia* Dat.
A. 1235. cir-
citer.

Guilelm. de
Pod. Laur.
Chronicon.
perducit us-
que ad An.
1271. extat
in colle. Du-
chesn. t. 6.
p. 666.

cum Canonicum suæ Ecclesiæ Regularem.

Ad profligandos hæreticos tunc Ordinem Prædicatorum coepisse scribit c. 10. *Ut capta prædicatio remaneret, de ordinandis perpetuis Prædicatoribus est provisum, inspirante Domino; & hac de causa, sub Beato Episcopo Domino Fulcone, Ordo Prædicatorum principaliter est exorsus, quorum vexillifer B. Dominicus prælationem suscepit pariter, & laborem.* Quod Guilelmus hic habet tum de Prædicatoribus, tum de eorum parente, legitur quoque initio libri inscripti, *Præclara Francorum facinora*, & apud Scriptores alios, quos adducit Binius in notis ad Concilium III. Lateranense. Hæc prælibantes, operam non perdidimus, quandoquidem viam sternunt ad illustrandam originem precationum, quas S. Pater, & ejus filii primum adhibuerunt.

II. Quod Albigenes spectat, non una est eruditorum hominum de eorum nomine sententia. Verisimillima videtur quæ á loco, urbeve *Albia* ubi primum fortasse, vel altius radices egerat error, illud

Præclara Franc. facin. vocatur quoque Chronicon Simonis Comitis Montisfortis. Exstat apud Duchesne t. 5. p. 764.

illud arcessit : Neque enim iis accedimus, qui à Concilio Lumbariensi ibidem coacto ita denominatos contendunt, contra morem, tum Ecclesiæ, tum hæreticorum, ac si heterodoxi Tridenti damnati, Tridentini à Synodo dicerentur. Permagni ad rem nostram refert observare vocatam Albigensem hæresim fœdam plurimorum errorum, ac tantum non omnium colluviem fuisse. Hinc operam ludunt novatores, qui id genus Sectarios à fœdis erroribus in quos lapsi sunt vindicare conantur. Sane Augiæ stabulum repurgant minime cogitantes quidquid unquam ceteri delirarunt, id fere omne ab Albigenſibus assertum fuisse. Ut ecclesias suas Schismate, & hæresi laborantes à novitatis censura, quæ illos urit, vindicent, præivisse dictitant Waldenses, quos longe vetustiores fuisse atque revera fuerint, comminiscuntur. Horum se vestigia premere contendunt, horum auctoritate niti. Ut autem florentes quasdam, ac longe lateque fusas ecclesias Waldensium fuisse demon-

E 4 strent,

strent, adjiciunt vocatos Albigenſes ab illis minime discrepaſſe, ſed ad eandem Religionem, & Eccleſiam ſpectaſſe. Itaque aſſerunt Albigenſes à Manichæiſmo, ne parentes à quibus orti ſunt ea infamia laborent, & ad caſtra Waldenſium, velint, nolint, tranſferunt; hi enim, ſaltem qui aliarum ſectarum dogmatibus infecti non erant, longe minus aliis à veritate aberrabant, immo in paucis ab Eccleſiæ Romanæ Religione diſſidebant, qua quidem in re heterodoxi recentiores non ſibi conſtant, ut hujusmodi hominibus perſepe uſuvenit, cum ipſi plurima rejecerint, eaque magni momenti, de quibus Vvaldenſes ne cogitaverant quidem. Non igitur iidem ſunt Novatores poſtremi, ac Vvaldenſes, neque Vvaldenſes iidem atque Albigenſes. Vvaldenſes à Romana Eccleſia in paucis diſcrepabant, Albigenſes purum putum Manichæiſmum ſectabantur; quid ſentiant, quidve credant recentiores heterodoxi, nos latet, vix ipſi norunt. Fuſe de his egit clariffimus Jacobus Beni-

Benignus Bossuetus libro XI. *Variationum*, Perrinum, de la Roque, ceterosque castigans, & ostendens Vvaldenses, quod ad Eucharistiam, Sacramentariis non esse accensendos, aliaque plurima scitu digna. Certum tamen est saepius Albigenes atque Vvaldenses invicem admixtos in iisdem urbibus, pagis, ac domibus mansisse, ut de uxore & sororibus Fuxensis Comitatus testatur Petrus Cernensis, cap. 6. *Hic uxorem habebat manifestam haereticam, de secta Vvaldensium, & duas sorores, quarum una sectas Vvaldensium, alia vero aliorum perfidorum haereses profitebatur.* Hoc apprime notandum est, cum hinc facile Protestantium commentum oriatur, quasi re & dogmatibus convenirent illi, quibus unus locus erat communis, maxime si de puris Vvaldensibus, & de puris Albigenibus sermo sit. Hinc quoque patet S. Dominicum tum contra Albigenes, & quidem praecipue, tum contra illis admixtos in Gallia Vvaldenses pugnavisse, ac maxime contra ea dogmata
in qui-

CAP. V.

in quibus utrique idem contra Ecclesiam sentiebant. Hæc tamen magis illustranda sunt, & à Novatoribus vindicanda, ne fides historiæ nutet in re maximi momenti pro Rosari origine.

Concil. Lab.
t. X. p. 1507.

III. Fœdam sectarum multitudinem in Gallia sæculo XII. exeunte agnovit cap. 27. Concilium III. Lateranense, Oecumenicum celebratum A. D. præter propter 1180. *Quia in Gasconia, Albegeſio, & partibus Tolosanis, & aliis locis, ita hæreticorum, quos alii Catharos, alii Patrinos, alii Publicanos, alii aliis nominibus vocant, invaluit damnata perversitas &c.* Quapropter Concilium IV. Lateranense Oecumenicum

* al. Patarenos

Labb. t. XI.
p. 117.

coactum A. D. 1215. ait cap. 3. *Condemnantes universos hæreticos, quibuscumque nominibus censeantur, facies quidem habentes diversas, sed caudas ad invicem colligatas, quia de * vanitate conveniunt in idipsum &c.* Quod pariter confirmatur ex Constitutione Friderici II. Imperatoris contra eosdem, quam laudat Honorius III. R. P. A. D. 1220. Verum duæ præ ceteris sectæ

Bull. Rom.
Lugd. edit.
A. 1692. t. I.
p. 90.

graf-

grassabantur, Albigenſis, maxime Toſæ, & Vvaldenſis. Albigenſis è Manichæorum cineribus excitata; Vvaldenſis recens orta.

IV. Quod pertinet ad Manichæiſmum mala avi ruruſum in Eccleſia natum, Concilium Lumbarienſe Anno 1165. anathemate perculit impios Bonos-Homines nuncupatos, Giraldo Albienſi Epifcopo ſententiam ferente, coram Albienſi populo. Giraldus quid ſentirent de Moſis lege & veteri teſtamento ex eis ſciſcitabatur, quod argumento eſt jam tum Manichæiſmi morbo laboraſſe. Qua vero ratione in florentiſſimis illis regionibus, immo in Italia, in Germania, in Hiſpania, & alibi, novorum Manichæorum luës graſſaretur, dignum eſt quod ſciatur. Manichæi in Armenia ſecundis rebus utebantur; ex Armenia in Bulgariam miſerunt impietatis magiſtros ſæculo IX., quo Bulgari Chriſtianis ſacris ſunt initiati, ut habetur apud Petrum Siculum, qui ea tempeſtate in Armenia moratus, horum fuit teſtis. Cum autem Galli poſtea

Concil. Lab-
t. 10. p. 1470.
Binio inſcri-
bitur *Conci-
lium Gallica-
num adverſus
Albigenſes*.
Collocatur
ab eodem
poſt Roger.
Hovedenum
A. 1176. ſed
coactū fuit
A. 1165. ex
antiquiore
Auctore M.
S. Sirmondi

Biblioth. pp.
Lugdun. to.
16. p. 753.

ob

ob sacrum bellum per Bulgariam in Orientem contenderent, Bulgarorum, & Manichæorum contagione affecti, patriam reduces pessima lue infecerunt. Ita vir eruditus Petrus de Marca Histor. Bearn. l. 8. cap. 14. Inde vocati sunt *Bulgari*, quo clarius eorum origo pateret. Extiterunt tamen nonnulli Manichæa labe adpersi in Gallia, ineunte sæculo XI. qui damnati sunt a Concilio Aurelianensi. Quæri posset an in Galliam primum Manichæi transmiserint ex Oriente, sed ut rem in paucis contrahamus, consulatur Bossuetus, libro XI. Vvaldenses paulo ante D. Dominicum oborti sunt à Vvaldo Lugdunensi, nec tam immaniter ab Ecclesia diffidebant.

V. Utriusque sectæ meminit Petrus Vallium Cernaii cap. 2. agens de Gallo-
 rum erroribus. *Primo sciendum quod hæretici duos constituebant creatores, invisibilem scilicet, quem vocabant benignum Deum, & visibilem, quem malignum Deum nuncupabant. Novum testamentum benigno Deo, vetus vero*
ma-

maligno attribuebant; & paulo post: Erant præterea alii hæretici qui Vvaldenses dicebantur à quodam Vvaldio nomine, Lugdunensi. Hi quidem mali erant, sed comparatione aliorum hæticorum longe minus perversi: Cæfarius Heisterbacensis dist. 5. cap. 21. putat Albigenfes, five, ut tum vocabantur, Albienfes, tum è Manichæorum commentis, tum ex opere Origenis Peri-Archon fabulas fuas depromiffisse. At Guilelmus de Podio-Laurentii variarum feftarum difertis verbis meminit, in procemio. Erantque quidam Ariani, quidam Manichæi, quidam etiam Vvaldenses, five Lugdunenfes.

VI. Satis conftare videtur minime fubleftæ fidei eos fugillandos effe qui Albigenfium monftra execrantur, & ex quo fonte profluxerint eorum dogmata, velint, nolint Proteftantes qui poftremis hifce fæculis eorum vindicias confcipfere. Sufficit nobis Hiftoriæ fidem non nutare, illi verò, quantum eis libet, laterem lavent. Notandum tamen, Albigenfes ab antiquis

quis illis Manichæis diversos fuisse ex Petro Bayle in suo Dictionario V. *Manichæi* ubi testem adducit Jacobum Basnagium in Historia sectæ Calvinianæ, sed adeo infelicitè suorum famæ consulit, ut in Manicheismum turpiter impingat à quo Albigenses alienos existimat. Nota res est ex illis, quæ habet V. *Manichæi*, & V. *Pauliciani*, ubi sublatiis libris Canonicis, vix ac ne vix quidem putat quicquam superesse quo eorum stolidadeliria convellantur. Quidquid pro impio, & inficeto systemate duplicis principii *coæterni*, & *independentis* circa mali originem objecerunt Orthodoxi maximi ponderis judicat, & ob id late diffusam eorum sectam primis Ecclesiæ sæculis. Latius vero ex eo serpere potuisset error, ac in maximum Orthodoxos discrimen conjicere, si Augustinus, ut magno, ac perspicaci ingenio erat, illum propugnare voluisset, & resectis insulsis quibusdam commentis, systema, & hypothesim sibi magis constantem, effecisset. Bayle

le igitur , ut Albigenſes reatu liberet , ſemetipſum damnat , tanti faciens nebulonum illorum impietatem , ineptias , quiſquiliās ; quapropter ob eam rem male audit apud ipſos quoque Proteſtantes , qui editis in eum libris Manichæos infectati ſunt , maxime Godefridus Leibnitius in ſua Theodicea .

VII. Hiſce adnotatis quæ pauci , ut oportebat , ad vivum reſecant , inſpiciamus aliquantisper quid de Deipara , & Divinis Incarnati Verbi Myſteriis ad Roſarium ſpectantibus ſentiant novi Manichæi . *Dicebant etiam in ſecreto ſuo quod Chriſtus ille qui natus eſt in Bethleem terreſtri & viſibili , & in Hieruſalem Crucifixus , malus fuit . Ita Petrus Cernenſis cap.2. , nec mirum , carnem enim , & cuncta quæ in oculos incurrunt mala ſuapte natura , & à malo principio condita effutiebant ; Bonus enim Chriſtus , ſicut dicebant , nunquam comedit , vel bibit , nec veram carnem aſſumſit , nec unquam fuit in hoc mundo , niſi ſpiritu-*
li.

CAP. IV.

Ermengardus, sive Ermengardus in Biblioth. PP. de la Bigne t. 4. par. 1. p. 1240. edit. Paris A. 1624.

liter in corpore Pauli. Eadem fere habentur apud Ermengardum in libro adversus novos Manichæos visibilia, diaboli opus adstruentes, ac mussitantes, Christum non ex femina natum, nec habuisse veram carnem, nec vere mortuum, nec quidquam passum, sed simulasse passionem; Nec credunt eum manducasse, nec bibisse, & quasi phantasticum corpus habuisse, nec eum resurrexisse. Hic omnia simul psalterii nostri Mysteria, quæ spectant ad Christi Domini Infantiam, Passionem, ac Gloriam, convelluntur, & ideo Ermengardum adduximus.

Reinerus annos 17. Manichæos sequutus postea Ordinis Prædicatorum nomen deducit. Echar- dus in 1. to. Biblioth. p. 154. Placentinum facit, e gente Saccona. Vide Biblioth. PP. Bignæi, to. 4. par. 2. p. 763. & Lug.

VIII. Ut magis magisque pateat omnem religionem ab eis fuisse sublatam, audiamus impiorum arcana, seu potius somnia palam vulgata cap. 6. , à Reine- ro eorum conscio, qui scripsit circa A. D. 1250. & omnium accuratissime sectas Manichæorum, & dogmata ob oculos posuit. *Orolibenses dicant quod Trinitas non fuit ante Nativitatem Christi, sed tunc primo Deus Pater habuit Filium, quando Jesus (quem filium fabri,*

bri, scilicet Joseph, carnalem, sicut ego sum carnalis filius patris mei) Verbum prædicationis B. Virginis Mariæ suscepit. Dicunt enim quod prædicando traxit eum in sectam ipsorum, & sic factus est Filius Dei credendo, qui ante filius carnalis, & peccator. Sic Verbum caro factum est, quando cor carnale Domini Jesu mutatum est per Verbum; scilicet Virgo genuit filium, Virgo manens post partum; alio modo non credunt Virginem genuisse Dei filium. Deum immortalem! Quot mendacia, & blasphemiae! An non expediens erat præclaro quodam ritu adinvento ea celebrare quæ à veteratoribus obscurabantur?

IX. In Mariam præsertim bacchati sunt impii cæco abrepti furore, secundum Lucam Tudensem, contra Albigenses l. 3. cap. 3. *Reginæ Cælorum inviolatæ Genitricis Dei Mariæ, contra morem Hispanicum Virginitas à perfidis publice blasphematur. Ut probra, quæ vel recogitare animus horret, in eam conjecta prætermittamus, quæque*

F refert

CAP. V.

ducent. 225. p. 262. Codex Gretserianus juxta Eichard. bene se habet, sed ex Bofueto l. XI. Variati. non debuit inscribi contra Valenses. Gretseri ævo omnes ecclesiæ occident. à Romana divise, ante Lutherum vocabantur Valenses.

Biblioth. PP. floruit Lucas A. 1237.

Hæresis in Hispaniam, penetraverat in Italia altas egerat radices. Manichæis ortus est S. Petrus M.O.P.

CAP. V.

Spicile. Da-
cherii. t. VI.
p. 405. ed. 1.
& tom. III.
p. 1. n. edit.
Paris. 1723.

Raptarii ,
prædones .
Raptæ eorum
cohors V.
Cangium V.
Raptarii .

refert Guilelmus de Nangis in Chron.
ad An. 1209. abominatus *homines pe-*
stilentēs , & *fidei refugas Albigenſes* ;
idem Lucas l. 2. c. 9. narrat , Manichæos
in Gallia pinxiſſe *Deiparam monoculam* ,
ac deformem , quaſi Chriſtus *intentum*
ſe humiliaverit , ut ejuſmodi matrem ſe-
legerit . In Mariam quoque eodem
tempore pugnavit impius ille Fuxen-
ſis Comes , vocatus à Petro Cernenſi
c. 6. *Chriſti hoſtis* ; quandoquidem ſa-
cras ædes D. Antonini Martyris , &
B. Virginis depopulatus , ſuis ſtipatus
raptariis An. 1209. impiis , æterniſque
flammis dignis vocibus , *ecce* , *inquit* ,
deſtruximus S. Antoninum , & *S. Ma-*
riam ; *nihil aliud nobis reſtat* , *nifi ut*
deſtruamus Deum . cap. 45. & 46. Quod
ut potuit ſceleſtus ille præſtitit in Sa-
cra Redemptoris Noſtri Crucifixi ima-
gine . Mirari ſubit quosdam illius ævi
ſectarios Mariæ pluſquam oportuit de-
tuliffe , & Angelum quendam credi-
diſſe , ut Reinerus audivit ex quodam
ſene , cui nomen Nazario , cap. 6. At
veteratorum artes tandem deprehen-
dun-

duntur . Cuncta eodem recidunt ; nam dum Mariam origine Cœlestem faciunt, ipsam Deipara Gloria spoliant , & Incarnationis Mysterium evertunt . Neque ullus putet Ecclesiæ preces juxta eosdem à B. Virgine auditas ; etenim vel palam dictitabant ex Rainero c.6. *Quod anima B. Virginis, & Apostolorum, & omnium Sanctorum non sint adhuc in gloria, nec erunt usque ad diem judicii, sed sint in quodam loco in aëre isto cum corpore Jesu Christi, vel irridentes, & fucum plebeculæ facientes, B. Virginem Mariam, & Sanctos in patria tantis impletos esse gaudiis, quod nihil possint cogitare de his, quæ in terris fiunt, & per consequens eos non esse invocandos à nobis, quia non possunt orare pro nobis.* Idem de Waldensibus scribit Petrus Pilichdorsius c. 19. eisque objicit gaudium Angelorum, resipiscentibus malis, quo profecto non afficerentur, si in ea quam statuunt rerum nostrarum ignoratione versarentur.

X. Quæ hætenus paulo fufius allata

ta sunt, satis ostendunt Rosarii originem initio Sæculi XIII. adscriptam Dominico, Mysteriorum Christianæ Religionis, & Deiparæ cultus adversus Albigenes vindici, non tantum ab illius ævi moribus non abludere, verum maxime illis consonam esse, & omnino Ecclesiæ, ea præsertim tempestate, perutilem, quod quidem non parum causam nostram juvat. Quo vero pateat evidentius cuncta sibi constare, non abs re fuerit recentiorum Manichæorum cum veteribus, e quibus, summo orbis malo, orti sunt, consensionem demonstrare. Egit *de vana*, & *stolida* Manichæorum in Armenia degentium *hæresi* Petrus Siculus IX. Ecclesiæ sæculo. Hic Basilii Imperatoris Legatus pro permutandis hinc, & illinc captivis Tibricæ in Armenia totos novem menses moratus, tum cum de Bulgaria in suas partes trahenda cogitabant, scripsit de eorum moribus ac paradoxis ad Bulgarorum Antistitem, & graphice cum eorum secta Albigensem quoque delineare visus est.

Om-

Petrus Sicul.
interprete
Radero. In
Bibliot. PP.
Lugdunens.
t. 16. p. 753.
claruit A. D.
870.

Omnia Catholicorum dogmata per astum comprobant, pronunciantque, & ajunt se Sanctissimam Trinitatem Deum profiteri, cum impie prorsus, imperiteque omnia per allegorias apud se taciti interpretentur, quando Santiss. Trinitatem inficientes, etiam detestantur Incarnationem Domini Nostri in Virgine, quamquam alio, & impio sensu fatentur. Ita prorsus ex Reinero cap. 6. sensere quidam Neo-Manichæi, de quibus egimus num. VIII. Primum e sex Armenorum paradoxis juxta Petrum est, impium illud eorum axioma, Duo rerum esse principia, Deum malum, & Deum bonum, quasi vero non idem prorsus sit, si claras rerum ideas consulamus, Deus, ac Bonitas ipsa. Secundum maxime ad rem nostram facit, Quod deiparam, semperque Virginem, atque infinitis laudibus celebrandam, per odium abjiciant, nulloque inter bonorum hominum cætum numero, vel loco dignentur, neque Christum ex illa natum, ut qui corpus de cælo secum detulerit, Josephumque ex illa,

illa , post Domini partum , plures liberos suscepisse dicant . De veteris Instrumenti libris , de Eucharistia , de Cruce , de ceteris , ex paradoxis , & Historia Petri quæ superest , intelligimus cum antiquis ita convenire recentioribus , ut non tam ovum ovo sit simile , quam illi inter se . Mores quoque iidem utrisque , nec veteres tantum , ut exploratum est , instar polypi ; aut chamæleontis pro tempore , usu , persona , in omnes se deformant figuras , ut incautioribus imponant . Quod si de antiquioribus adhuc Manichæis agamus , Augustini ævo , idem judicium ferendum est , ut ex ejus operibus ostendi facile potest .

XI. Itaque nugæ non sunt quæ de Albigenſium impietate , & opinionibus , seu potius opinionum portentis dicuntur , nec commenta vel piæ fraudes Prædicatorum , S. Dominicum Ordinis Fundatorem , Incarnationis mysteria , & Deiparæ injuriis laceſſitæ decus propugnaviſſe . Hæc fortasſe non injucunda erudito , ac pio lectori futura

tura sunt, maximè quod vix quisquam ea ut oportuit, acu tetigerit. Sed Sanctissimæ Dei Parenti laudes, non uno nomine debebantur. Decebat quidem Virginem de humano genere optimè meritam tot nebulonum fannis petitam concelebrare; verum potiori jure eam ubique laudibus prosequi par erat Catholicos, postquam ejus auspiciis, cælis sæpius, fulsisque impiorum copiis, insignes victoriæ palmas reportarunt. Simonis Comitis Montis-Fortis strenui Ducis Cruce-Signatorum triumpho nullis veterum concedunt. Religione certe alijs antecelluit, dignus propterea, quem Christiani Principes imitentur. Prælio imminente ad Deum Victoriarum, in cujus manu sunt omnium jura Regnorum confugiebat, ejus auxilium precibus impetraturus, ut habetur cap. 71. Petri Cernenlis. *Erat autem prope locum illum quedam Ecclesia, in qua secundum consuetudinem intravit Comes causa orationis: vim precum miracula è vestigio testata sunt,*

CAP. V.

Inundabat autem ipsa hora pluvia, & milites nostros non modicum infestabat; sed orante milite Jesu Christi, videlicet Cemite nostro, cessavit pluvia, fiunt nubila in serenum. O immensa bonitas conditoris! Nec dubium quin Deiparæ opem vehementer postulaverit cum in ejus hostes classicum cerneretur, quemadmodum non obscure innuitur ibidem, Episcopi qui erant Saverduni, & Comes, & omnes sui convenerunt ad Ecclesiam, statimque unus ex ipsis sacris vestibus se induit, Missam celebraturus in honorem Beatae Mariæ Virginis. Vix victoria potitus Simon, in proximum templum, ceteris quibusque posthabitis, se recipiebat, nudis quandoque pedibus, ac pauperibus dono datis armis, & equo, Deo; cui omnia accepta referebat, gratias acturus, ut contigit An. D. 1213. post partam memorabilem sæculis omnibus Murelli victoriam. Tandem, ut quanti duceret Mariæ patrociniū intelligamus, An. 1217. sub mortem, lapidis ictu lethali recepto, pectus suum

suum bis percutiens, Deoque, & B. Virgini se commendans, mortem imitatus B. Stephani, & ipsius lapidatus in urbe, in Domino obdormivit. Petrus Cernensis cap. 86. Precibus Comitissas adjungebat *Religiosus Dei amicus frater Dominicus*, apud scriptorem Chronici Simonis Comitissas Montis-Fortis: magna enim ob eandem Religionis causam, consimilemque morum integritatem inter eos intercedebat necessitudo.

XII. Adfuit Deipara militibus suis suppetias ferens, nam An. 1208. ex eodem Chronico; *Carcassonenfes civitatem obsidentibus resignarunt, quod & factum fuit in festo Assumptionis B. Mariæ semper Virginis in Augusto.* Et An. 1212. apud Cernensem cap. 63. *Castrum Moisiaci quod in vigilia Assumptionis B. Mariæ obsessum fuerat, in festo Nativitatis ejusdem Virginis captum fuit; agnoscitur ergo operata B. Virgo: Quod probat idem Chronicon, à quo Moisiacum, villa valde fortis dicitur, hæreticisque favens.*

Tan-

CAP. V.
Tolosa, ubi
Templum
prim. B. Ste-
phan.

Præclara
Franc. faci-
nor. ab A.
1201. ad A.
1311. in 5.
tom. Du-
chesn. p. 764

Ex Petro, &
Guillelmo
accidit po-
tius An.
1209.

CAP. V.

Tandem illustris ea victoria , qua à paucis Catholicis fusus est innumera- bilis exercitus hæreticorum cum eo- rum auxiliariis copiis , & Rex Arago- num occisus , parta est An. D. 1213. infra Octav. Nativitatis B. Virginis . Consulatur Cernensis qui pluribus de ea egit , cap. 71. B. Virginis auspiciis pugnatum est ; ea duce hostis profligatus ; hinc jure ei debebantur à Vi- ctoribus laudes , meritoque à Domini- co fuerant vulgandæ .

XIII. Ægre ferebant Albigenſes pie- tate maxima coli , laudari , invocari Mariam , in quam ira perciti fremebant . Contra , Maria ejusmodi cultu maximopere gaudebat , Angeli præſer- tim verbis ſæpius commendari ; quod , patratis prodigiis , extra omnem du- bitationis aleam poſitum fuit . Cæſarius Heiſterbacenſis execratur facinus Albi- genſium , qui Sacerdoti ſacrum de B. Virgine celebraturo , linguam è fau- cibus crudeliter avulſerunt . Illam ve- ro , aliquot elapſis diebus , Mariæ precibus à Deo iterum recepit , priſti- næ

Diff. 7. c. 23.
In Biblioth.
Cisterciens.
Bertrandi
Tiffieri t. 1.

ne redditus incolumitati, ac tunc, CAP. V.

cum Angelo in vocem laudationis erumpens, clara voce clamavit Ave Maria, usque in finem, quam salutationem cum crebrius repeteret, stupentes accurrere ministri. Idem narrat Stephanus de Borbone. Quid? quod Guido Carmelita Elnensis Episcopus in præstanti opere adversus Vvaldenses edito, unico elapso à S. Patris suprema die sæculo, eorum deliria recensens, ait, *vicefimo errant quod non reputant aliquid, immo contemnunt salutationem Angeli, scilicet, Ave Maria.* Supra adnotavimus Vvaldenses Albigenfibus admixtos alicubi fuisse, ut in domo Fuxensis Comitis, & Sanctum Dominicum pro utrisque ad meliorem frugem revocandis laborasse. Quod vero Vvaldenses longe minus ab Ecclesia dissidentes docebant, id multo magis senserunt Manichæi illi, præsertim contra Deiparam, quam sexcentis injuriis laceffere consueverant. Angelicam salutationem igitur utrique avversabantur. Præclarum monumen-

tum

Echard. Biblioth. ro. i. V. Stephan.

Ednensis, vel Elenensis, sive Helenen. in Comitatu Ruscionis. Guido Ann. 1330. è Sede Majoricen. transfertur ad Eccles. Elnensem in Caralaun. Vide Annal. Carmel. Lozan. A. 1330 n. 3. tom. 4. p. 547.

CAP. V.

Bosquet. in
Innoc. edit.
Tolos. An.
1635. p. 51.

Summa ta-
men Guid.
contra Hære-
sis erat im-
pressa Paris.
A. 1528. præ-
bo Ascensia-
no.

Bosquet. l. xi.
Variation.

tum debemus Francisco Bosqueto in epistolam 78. Innocentii III. l. i. Regest. 13. cum ille operis fragmentum vulgaverit ex MS. Cod. Bibliothecæ Collegii Fuxensis Tolosæ. Confirmatur idem ex quodam Catalogo Errorum Vvaldensium Gretseri opera edito (habetur tom. 4. Bibliothecæ PP. Bignæi, par. 2. p. 831. num. 2.) *Hac etiam de causa magistri eorum non injungunt suis confitentibus Ave MARIA; nec etiam tam ipsi, quam credentes eorum dicunt Ave MARIA, nisi rarissime; & si magistri eorum parvulis primo confitentibus injungunt Ave MARIA, hoc faciunt quia neophytis eorum hoc nimium displicet, si quoquo modo ab Ave MARIA prohibentur; maxime cum nondum idonei sint ad capiendum, vel occultandum secreta.* Id quoque ex aliis in idem argumentum scriptis, ibidem pag. 836. editis, adstruitur. Verum quidem est Gretsero, celebri ceteroqui scriptori, ac pluribus eo sæculo, vocari Vvaldenses quaslibet sectas, quæ à Vvaldo ad Lutheranas turbas ab ecclesia Romana

mana schismate, & hæresi avulsa erant, quod parvi refert; nam vel de Vvaldensibus, vel de Neo-Manichæis agunt auctores illi; quod nobis satis est. Hinc lux affulget Confessione fidei Vvaldensium hæresim ejurantium, insertæ epistolis Innocentii III., maxime epist. 78. Regest. XIII. Etenim Durandus de Osca cum ceteris Catholicam Religionem amplectens, ait; *Consilia Evangelica, velut præcepta servare proposuimus; Orationi, juxta horas canonicas, septies insistentes, dicendo quindcies Pater noster, insuper Credoin Deum, & miserrere mei Deus, & Orationes alias. Inter alias Orationes non postremam fuisse Anglicam salutationem ex Elnensis Episcopi allato fragmento, conjiçimus.*

XIV. An expediens foret ea tempestate, ad impiæ hæreseos pervicaciam retundendam Anglicam Salutationem pie, ac persæpe repetere; quivis, pinguiori licet minerva, facile judicaverit. Super sedendum est argumentis aliis ne tempus teramus, ubi per se res ipsa loqui-

in supio
sub. conu
na. 1010
17. 9. 2261
Pag. 73. edi.
ti. Bolquet.
179. 837. A.
- 11170) A od
or

loquitur. Age vero; ea orandi forma adhibenda fuerit, illine jungendæ erant Dominicæ preces? Quidni? Principem hæ inter omnes locum obtinent; immo eis nefarii illi plurimum deferebant. Ne ergo pateret justæ accusationi locus, & ut laudes, & cultum Virginis pluris facerent, ac libentius tandem amplecterentur, ex utrisque novus quidam precandi ritus pius, expediens, facillimus conficiendus videbatur. Sciendum quippe Catharos (quo nomine Italiæ Manichæi ferè nuncupabantur.) Raineri ævo in Eucharistiæ Sacris recitasse *Pater Noster*, ut tradit cap. 6. & adhibitam sæpe ab iisdem Dominicam Orationem cum manuum impositione: Sed nonnulli, Albanenses vocati, utique è Schola Manichæa, ditabant, *quod manus ibi nihil operatur, cum ipsa à diabolo sit creata, secundum eos, ut infra dicetur, sed sola Dominica oratio, quam ipsi dicunt tunc.* En quanti illam æstimarent! Adjici potest Albigenes quosdam *Credentes* vocatos, ut à *Perfectis* distinguerentur,

eo turpius in flagitia quaque labi consuevisse, quod crederent, sine vera poenitentia, & sine ablatorum restitutione se æternam felicitatem, sive *Consolationem*, ut ipsi dicebant (nam proprius erat veteratoribus loquendi modus, & impia quædam arcani disciplina) adipisci posse, dummodo in suprema vitæ periodo dicerent *Pater Noster*, & manuum impositionem a *Magistris* reciperent. Ita quippe eisdem sensisse docet Petrus Vallium Cernaii, cap. 2. Festivum est quod accidit in morte Credentis cujusdam, cui manus quidem imposita fuit à *Consolatore*, seu *Magistro*, sed *Pater Noster dicere non potuit*. Quærebatur quid de illo sentiendum foret: tandem post plurimas concertationes in hanc sententiam itum est, quod cum sola manuum impositione ille, bona avi, *salvus sit*, omnes alios, nisi *Pater Noster dixerint in fine*, damnandos.

XV. Perstringebant Catholicos nonnulli ob Dominicæ Orationis usum apud Ebrardum Bethunensem cap. 4. *Vos autem*

Ebrardus
auctor anti-
heresis tom. 4.
Bibliot. PP.
de la Bigne
p. 1. pag.
1012.

autem dicitis quod orare non debemus Pater Noster, quia sic mentimur Deum Patrem vocantes, cum alibi dicatur, vos ex patre diabolo estis; & querebantur eandem ab ipsis truncari. Ceterum vulgata eorum sententia erat quæ habetur in Catalogo errorum Valdensium n. xi. Item dicunt nihil orandum esse præter Pater Noster, ergo plurimi eorum ignorant Ave MARIA. Ut ut sit, utrasque preces adhibere ordine quodam dispositas operæ pretium, ac tantum non necessarium tunc videbatur. Hinc S. Pater Dominicus, ut supra ex Raymundo adnotatum fuit, Militia Jesu Christi numerum quemdam utriusque Orationis præscripsit. Porro ad Religionis Mysteria animum advertere, cum semper inter orandum Christiani debeant, tum vero id eâ tempestate magis necessarium extitisse credendum est, maxime si sermo sit de Incarnati Verbi Mysteriis, quæ ab impiis tot insulsis dictariis proscindebantur.

XVI. Superesset piarum sodalitarum insti-

institutio, ac quæri posset, num ii quoque cœtus ab hæreticis fugillarentur. Verum nullus dubitationi locus relinquitur, cum pias quasumque ejusmodi consuetudines ab Ecclesia sublatas vellent. Rainerus de illorum erroribus agens An. 1250. loquitur *de Confraternitate laicorum, & clericorum*, quam irridebant, *dicunt hæc omnia agi propter quæstum*. Quod si quis contendat Rainerum, & hæreticos apud ipsum de nostra fœdaltate paulo ante instituta loqui, non repugnamus. Fortasse Anglicam Salutationem damnantes, Rosarium ipsum carpebant.

XVII. Itaque cum unam Orationem Dominicam usurparent, ut ejus usu, ac vi scelera impune grassarentur, rejecta Angeli Oratione, oportebat Dominicum qui Catholicum agmen ducebat, ad Incarnationis Mysteria facta tecta servanda, ad Mariæ Virginis cultum amplificandûm, impiamque hæresim radicitus convellendam, preces ex Orationibus Dominicis, & Anglicis, Christianæque Religionis mysteriis In-

G

car-

carnationem spectantibus, conflatas, Mariæ auspiciis societate fundata, instituere. Quomocumque se res habuerit, id fere ea ratione contigisse, non levis est conjectura. Sed quod verisimillimum ex Albigenſium Historia videtur, accedente majorum traditione, & orbis consensu, certum omnino credendum est. Veteres Ordinis scriptores, ante duo sæcula, voluisse nobis imponere nullus dixerit, nisi rationum momenta cogant, quæ pro ipsis pugnare vidimus. Dominico igitur Rosarium adjudicandum est, de Catholica Religione, ac de florentissimo Galliarum Regno optime merito. Nam, ut Nestorio, & Iconomachis Deiparæ hostibus damnatis, Tantæ Virginis honor magis magisque floruit in Ecclesia, quinto, & posterioribus sæculis, ita Tertiodecimo, reportatis illustribus de Albigenſium, aliorumque hæresi triumphis, à Dominico, Mariæ cultus amplificatus est, Rosario instituto.

CAPUT VI.

*Vetustiorum de Rosarii Mariani Ori-
gine silentium sententiam nostram
non convellit.*

I.



Lurima quæ con-
tra nos adduci
poterant, in an-
tecessum soluta
sunt, nec quid-
quam alicujus
momenti obijci
potest præter si-
lentium eorum,

CAP. VI.

qui de Dominici ætis, & iis, quæ sub
initium Sæculi XIII. gesta sunt, scripse-
runt. Hæc quidem nonnullis negotium
faceffunt; quapropter hujusmodi argu-
mentum ad examen est revocandum.
Haud tamen scimus, an silere reapse
sit, nomen rei, de qua agitur, non ad-
huc inditum, aut vix cufum, præter-
mittere, rem vero ipsam non obscure
indicare. Ut ut sit, non propterea ha-

G 2

sta

ita abjicienda est cum hujusce silentii quod tanti faciunt, plures causæ afferri possint, quæ primum fuerant diligenter perpendendæ. Argumenti negantis vires neque nullæ prorsus dicendæ sunt, neque adeo, ut quibusdam usuvenit, extollendæ, & ubivis passim obtrudendæ. Facile quidem dictu est altum de ea re silentium esse apud unius, vel alterius Sæculi Scriptores, idque identidem repetere, at creditu difficile, nisi excussa primum fuerint quævis scripta, monumenta, codices, diplomata, tabularia. Fac autem ea, solo æquatis urbibus, bellis grassantibus, igni, vel alia quapiam ratione absumta fuisse; an ideo silentii dicam antiquis inscripseris? Quid si vel non expedire de aliquibus disserere judicassent, vel oscitanter muneri suo defuissent? An non plura rescire a majoribus natu possumus, quæ litterarum monumentis consignata non sunt? Sane si, ut obviam irem adversariis, regererem non omnia quæ nunc contingunt scriptis vulgari, cum tamen eorum

rum nos testes simus , non video quomodo sese extricare possent , nisi reponerent , res majoris momenti , ac celebres non obvolvi silentio : At contendere possem , ea quæ omnibus parent præteriri quandoque , quod notiora sint quam ut indigeant Scriptoribus .

II. Hæc non eo spectant , ut negantis argumenti vires prorsus infringantur . Scimus adhiberi sæpe magnam cum laude , non tantum à criticis , verum ab illis ipsis , qui id genus argumenta flocci faciunt . Natura duce methodum illam plerumque insistimus , mentemque nostram ab assensu cohibemus , quoad rei gestæ idonei testes accedant . At pace acriorum quorundam censorum (Hypercritici vocari merito possunt) testis est etiam omni exceptione major , traditio & mores à Majoribus accepti , quando moribus & disciplina Sæculorum congruant , ac tandem non admodum multis elapsis Sæculis , scriptis roborentur . Jam satis superque constat nihil esse in nostris precationibus quod abludat à moribus ,

& disciplina nascentis Sæculi XIII., im-
mo quod cum Historia illorum tem-
porum non apprime consonet. Aucto-
rem ritus Dominicum, vix paulo plus
quam duobus sæculis ab ejus obitu
elapsis, vocant plerique; *Rosarium*,
& *Pater-Noster* diu ante non uno lo-
co legimus, quæ ad Albigenfium hæ-
resim pertinent veritate nituntur; hinc
traditionem hujusmodi, vulgatamque
sententiam silentium objectum non con-
vellit. Agmen ducit eorum, qui ne-
ganti argumento plurimum deferunt
Johannes Launojus; attamen in calce
Dissertationis ea de re editæ hæc ha-
bet, *Cum nullus omnino Scriptor aqua-
lis, vel suppar, nullum profus traditio-
nis monumentum æquale, vel suppar,
alicui factò, quod memoria dignum fuit,
præstat testimonium, tunc ex eo gene-
rali silentio, quod ducentorum plus mi-
nus annorum æstimari potest, efficax
depromitur argumentum.* Liceat, Lau-
noii pace, statutum tempus, non qui-
dem multo, sed aliquanto tamen lon-
gius protrahere, quoniam certi, con-
stan-

stantesque fines pro quibusvis rebus, neque ab ipso, neque à quovis alio præfigi possunt, maxime cum ea, quæ, ævo de quo agimus, acciderunt, tam egregie causam nostram juvent. Lau-
nojum exagitat, vulgata Exercitatione, Johannes Baptista Thiers; hunc consulat, cui tantum otii superest; nostrum non est hujusmodi lites componere. Satis est stare à nobis Thiersium qui negantis argumenti vires fere prostravit, ipsumque fortasse Lau-
nojum, dum non adeo religiose silentio tempus præstituit, & dum hanc de Rosario quæstionem non attigit, quod facile præstitisset vir hujusmodi traditionibus iniquior, nisi vulgatæ sententiæ æquitatem perspectam habuisset. Hadrianus quoque Bailletus censor acerrimus, qui vulgatis quibusdam senti-
tiis non ita facile subscribit, testatur, in Actus SS. Mens. August. die 15. agens de sodalitatibus, Rosarii institutionem adjudicandam Sancto Domi-
nico, qui eam optima fide possidet.

III. Egit de argumento negante,

G 4

Ma-

CAP. VI.

Mabillonius in aureo opere de studiis Monasticis p. 2. cap. 13. *Valde inquit, refert Criticæ operam dantes negativæ argumenta tempestive, & apposite uti; rectus namque istius usus aliquoties plurimum juvat, præsertim vero ad eludendum commenta ab impostoribus, ut nos decipiant, sæpenumero conficta. Monet cavendum esse abusum, nec semper ejusmodi methodo fidendum. Duo negantium argumentorum genera plurimum diversa considerat. Quædam sunt mere negativa, quædam negativa mixta; nimirum cum positivis, ut vocant: facilius autem est ex primo; quam ex secundo argumentandi genere in paralogismum incidere. Exemplum negativæ mixtæ affert, quod subjicimus. Nullus Auctor ante Martinum Polonum meminisse legitur Johanne Papiæ, omnesque Auctores synchroni, & qui ad ipsam sequuti sunt, usque ad dictum Martinum, immediate post Leonem IV. ponunt Benedictum III., neutiquam vero Johannam; ergo hæc præsumpta Papiæ merum est commentum à præ-*

præfato Martino confitium. Diuturnum Scriptorum silentium, nisi aliud accederet, negantis dumtaxat argumentum haberet; sed successio, & Pontifices ordine enumerati, Leo IV. & Benedictus III. nonnihil *positivi*, & quidem maximi momenti addit. Hæc vir sumus, in cujus sententiam pedibus ibimus, modo aliis illustretur exemplis. Martinus Polonus O. P. Chronicon ita exaravit, ut nullus locus Papisæ relinqueretur, ut videre est in plerisque Codicibus allatis ab Echardo tom. 1. Biblioth. O. P. pag. 361. ubi Martinum egregie vindicat, & interpolatum demonstrat.

IV. Missis pluribus quæ addi poterant, operæ pretium videtur nonnulla adjicere, ex quibus facile quis judicaverit mirum non esse, si ritus ceteroqui præstantissimus, a S. Dominico adinventus, pene obliteratus, ac tamdiu neglectus fuerit, nec nisi sero postdiminio revocatus. De pestilentia loquor, quæ A. D. 1348. in Europa grassari coepit, *maximamque morum*,

ac

ac pietatis sacris Ordinibus universis attulit vastitatem juxta Vincentium Fontanam O. P. In Constitut. Ordinis V. Reformatio; addit vero, *Maxima interea Religiosorum copia è vivis erepta est, atque cum ipsis sacrarum legum observantia per omnia fere debiscens, ex incauta noviter receptorum multitudine, relaxationis, proprietatis, inobedientiae, vanitatumque vitia in Ordinum fere omnium Cænobia irrepserunt. Cum enim illa adeo deserta, ac desolata essent, ut pene Ordo unusquisque crederetur extinctus, qui superfuerant Religiosi, cujusque generis hominibus, pueris, adultis, ineruditis, atque ineptis ad habitum susceptis, dum pestilentiae plagis mederi intendebant, insanabili plaga proprium Ordinem cruentabant. Pestilentiae jungenda sunt bella, de quibus, sub ipsam fere Rosarii instaurationem queruntur proceres Ordinis, eum ab interitu vindicaturi in Comitibus General. Romanis An. 1481. & 1484. Item ob frequentes pestilentias, & aegritudines, propter bella, & alia*

alia multa incommoda, cum numerus CAP. VI.
Fratrum plurimum deficere videatur,
hortamur omnes Patres, & Fratres,
ut juvenes bonæ indolis, honeste natos,
& bono ingenio præditos ad Ordinem
introducere laborent.

V. Quid igitur mirum tum in hac
 tum in ceteris sacris Familiis plura in-
 teriisse? Mirum potius superfuisset ali-
 quid post tot clades, quæ illas in sum-
 mum discrimen adduxerunt. Coenobia
 vel sublata, vel solo æquata sæcu-
 lo XVI. & superioribus ab Hæreticis,
 Schismaticis, Turcis, non pauciora mil-
 le quingentis fuisse existimat P. Jacobus
 Lafon O.P. in monumentis ad Ordinem
 spectantibus apprime versatus, Præfa-
 tione Apologetica pro Rosario. Supere-
 rat celeberrimum Tolosanum Coeno-
 bium, è quo fortassis non nihil erui
 potuisset; sed An. 1562. die 11. Maii,
 capta à Calvinianis Tolosa, direptum
 fuit, sublataque tunc plurima monu-
 menta MS. conjicere licet, quæ modo
 desiderantur, ut ex Catalogis constat.
 De eadem urbis direptione agit quoque

Ann. Domi-
 nicanus ro-
 m. Octobr.
 edit. Ambi-
 an. A. 1712

Per-

CAP. VI.

Percinus in monumentis Conventus Tolosani ad An. 1562. & testis oculus Georgius Bosquetus, qui sequenti Anno 1563. Tolosæ opusculum typis mandavit.

VI. Præterea, constat veteres nostri Ordinis Auctores non admodum sedulos extitisse in vulgandis suorum gestis quamvis sempiterna memoria dignis. Scilicet bene agere potius, quam diligenter scribere probi viri studuerunt. Dominici acta primum conscripta nova semper accessione locupletari oportuit, quemadmodum animadvertit Theodericus de Appoldia, in Epistola ad Nicolaum Magistrum Ordinis præfixa vitæ sancti Patris. Ex B. Jordani secundi Magistri libello de Ordinis initiis, prima D. Dominici Historia contexta fuit; secundam, jubente Johanne, IV. Ordinis Magistro Frater Constantinus *edidit multa insignia superaddens*; Tertiam B. Humbertus V. Magister Ordinis, qui eam, *multis superadditis non modicum ampliavit*. Nihilominus, post tot curas, multa fu-

Theod. Sax
floruit Sæ.
XIII. Echar-
dus 10. 1.
F. 453.

supererant non adhuc publici juris facta; hinc Fr. Gerardus Prior Provincialis Theutoniæ; rediens de Generali Capitulo in Luca celebrato, detulitque ad am præclara gesta S. Dominici de Bononia, quæ ex ore Sororis Cæciliæ Romanæ, quam B. Dominicus ad Ordinem receperat, conscripta sunt. Quæ apud me recogitans, excusaverim potius Sanctos illos ac præstantissimos viros in eo, in quo alii eos accusabunt. Studebant, posthabita populari aura, Christianæ modestiæ & animi demissioni, unum Jesum Christum Crucifixum præ oculis habentes. Quæ in ordinis gloriam, atque splendorem cedebant, sæpe numero, data opera, tegenda potius, quam palam enarranda curabant, miracula præsertim, aliaque id genus, quæ ad aucupandam gloriam, & ad quæstum adhiberi potuissent. Abhorrebant ab omni turpis lucri specie edocti vivere parvo, & unam Crucis gloriam, unum animarum quæstum, in votis habebant. Huc facit celebris locus B. Jordani S. Dominici discipuli, & suc-

CAP. VI.

B. Jord. de
princ. Ord.
ffn Præd.

successoris, quem P. Lafon ibidem suppeditat. *Visum est plerisque non debere receptari miracula, ne sub velamento pietatis speciem quæstus incurrerent; sicque dum propriam opinionem inconsiderata Sanctitate celarent, communem Ecclesiæ neglexere profectum, & gloriam sepeliere Divinam. Constat autem in hac vita positum certis fulsisse virtutibus, coruscasse miraculis.* En cur tamdiu Prædicatorum Ordo fileat, ratus gloriam & quæstum dedecere viros natos ad Evangelicam Legem sectandam, ac propugnandam. Quod ergo probro illis vertitur, quasi torpentes otio diffluerent, hoc ipsi laudi sibi ducunt, ac gloriæ.

VII. Ad hæc, ineunte Sæculo XIII. multiplex B. Virginem salutandi ritus emerfit, & quorundam in Deiparam pietas ita flagrabat, ut centenis, millenisque vicibus Angelicam Salutationem repeterent. S. Mariæ Oegniacensis, & Idæ supra meminimus: Frater vero Romæus O. P. qui Anno 1223. florebat, *Jesum, & Mariam Fratribus*

bus

Echaed. Biblioth. O. P. t. 1. Stephanus de Borbone & de Bel-la villa qui obiit Anno cir. 1261. r. 1. p. 184. Romanus de Levia t. 1. p. 101.

bus inculcans obdormivit in Domino, chordulam cum nodulis, quibus mille Ave Maria numerare solebat in die, firmiter manu tenens, apud Stephanum de Borbone in opere de septem donis Spiritus Sancti. Laudat Stephanus quoque circa medium Sæculi ejusdem alios Salutationem Angelicam millies, alios centies, alios quinquagies in die, alios sine numero frequenter, & quasi perpetuo eam dicentes, alios quotidie septem Pater-noster, & toties Ave-Maria, genuflexos, alios officium parvum B. Virginis quotidie recitantes. Occurrit mentio quinquagenæ, occurrit Dominicarum, & Angelicarum precum simul, atque hæ sexcentis modis disponebantur, ut diversæ erant chordulæ, maxime quibus utebantur nonnulli pietate quadam excellentiori insignes, iis fere semper vacando. Accedit tot Sociates obortas esse, ut oportuerit Canone XLV. Concilii Montis-pestulani, A. D. 1215. modum illis statuere, ne novæ identidem instituerentur. Quapropter mirum non est si prætermiserint hu-

CAP. VI.

Hist. Eccl.
ſæcul. XIII.
& XIV. Col-
loq. VI. t. 5.
par. 522.

hujus ritus auctorem, originem, & ſocietatem, non adhuc, ut rudiora ſunt rerum omnium primordia, tot ubique conſtructis ſacellis, & Eccleſiæ theſauris celebrem. Satis mihi dixiſſe viſus eſt Petrus de Vineis, ſatis Alexander IV; ſatis quotquot de Albigenſibus egerunt, ut Sanctus Dominicus potius quam quivis alius Roſarii Auctor cenſeatur. Præclare, ac more ſuo clariffimus noſter Ign. Hyac. Gravesonius *Argumentum quo nituntur moroſi quidam Critici mere negativum eſt, ac ſubbinde, juxta peritorum Criticorum regulam, nullius momenti, ac ponderis eſſe debet, contra poſitiva, diſertaque aliorum Scriptorum teſtimonia, contra avitam, ac perpetuam traditionem, quæ à tempore S. Dominici ad noſtra uſque tempora in Ordine Fratrum Prædicatorum jugiter fuit conſervata.*

VIII. Nemo, opinor, fanæ mentis, non videt, ita à nobis aſſeri vulgatam Ordinis traditionem, atque ſententiam contra argumenti negantis vires, ut hic falſi criminatio nullum locum habeat.

beat. Orbi imponere nolumus, sed eam tuemur originem, quæ Sæculo XIII. ita congruit, ut tantum non ex illius Historicis monumentis ob oculos cuiusvis ponatur. Hac ratione, ut vitiligatores quosdam, & Hypercriticos missos faciamus, confidimus fore ut hæc probent æquiores *Critici*, quorum iudicium maximi ubique faciendum est, ac Traditionem huiusmodi non referant in album anilium fabularum, quas leves homines alias incaute obtruserunt.

IX. Quæcunque hætenus dicta sunt probat calculo suo optimus, & eruditissimus Præsul, tot publici juris factis operibus celeberrimus, Illustrissimus Justus Fontaninus Archiepiscopus Ancyranus, Dissertatione *de Corona Ferrea Langobardorum* edita Romæ A. 1717. cap. 8. *Etenim*, ait vir doctissimus, *ne argumento mere negativo fallamur ipsi, aliosque fallamus, tria servanda sunt. 1. Omnes ad unum auctores, ex quorum silentio argumentum erui debet, à nobis fuisse perlectos.*

H

2. Nos

2. Nos certos esse, nullum omnino ex auctoribus, qui rem, de qua disputatur, pertractaverint, interiisse, aut nobis non visum, adhuc in veterum bibliothecarum forulis delitescere. 3. Ab his, qui supersint auctoribus, quique dedita opera non tralaticie, de re scripserint, negligentia, invidia, & studii partium suspicionem abesse, in iis, quæ evenerunt, referendis aut silentio prætereundis. Ad hujusmodi canones si quis exigat hoc nostrum Opusculum, fortasse fatebitur, me, quod maxime in votis habui, non peccasse in melioris critices regulas. Sed doctissimus Antistes jure quodam suo huic Dissertationi supremam manum imponit: hanc enim ipse primum libens ac volens, viro summo, quem semper maximopere colui, castigandam obtuleram; hanc, jubente Sanctissimo Patre Benedicto XIII. Pont. Max. postea secundis curis recognovit; atque haud scio an æquior illo censor obtingere mihi potuisset, siue ejus in me benevolentiam, considerem; siue perspectum omnibus, subactum,

ctum, acerrimumque iudicium. Probavit ille hanc qualem qualem lubricationem, quod maximo honori mihi duco; quid enim præstantius approbatione illius viri quem tantus Pontifex selegit, & quem non ita pridem amplissima dignitate jure & merito auxit? Equidem postrema hæc Capitis hujus verba non probabit lectissimus Præsul; sed, pace illius, adjiciendum à me fuit hoc grati animi monumentum, quod idcirco (fateor) huc, eodem inscio, rejeci.



CAPUT VII.

Nonnulla ad Rosarium pertinentia.

I.



Actenus ad fontes, unde manavit ritus noster, digitum intendimus; superest ut originem quoque singulorum quę

attingamus, quod paucis absolvemus. Precatorii ferti initium à *Sandæ Crucis signaculo* rite Christiani ducimus. Majores nostri non unas preces, sed cuncta ab eo auspicabantur, rati, quęcunque aggredierentur, facienda esse in nomine Domini Jesu Christi, & ad Dei gloriam, Paulo Apostolo docente, ne operam abuterentur. Tertullianus, vix elapso Anno post Christum natum 200. libro *De Corona militis*, cap. 3. id

id memorię prodidit, *Ad omnem pro-*
gressum, atque promotum, ad omnem
aditum, & exitum, ad vestitum, &
calceatum, ad lavacra, ad mensas, ad
lumina, ad cubilia, ad sedilia, qua-
cumque nos conversatio exercet, fron-
tem Crucis signaculo terimus. Uxorem
 vero admonens, ne superstes viro in-
 fideli nubat, quærît ab ea, qui fieri
 posset ne sacra, & ritus nostri, quos
 inter hunc enumerat, vulgarentur ab
 illa, contra atque Arcani Disciplina po-
 stulabat; *latebiscne tu cum lectulum,*
cum corpusculum tuum signas? Sequenti
 sæculo, hoc est, anno plus minus 347.
 Sanctus Cyrillus Hierosolymitanus,
 Catechesi IV. eundem ritum commen-
 dans hæc habet, *Ne ergo Christi Cru-*
cem erubescamus, sed etiamsi alter ab-
scondat, ut palam in fronte obsigna, ut
dæmones regium signum intuentes, procul
fugiant tremebundi. Fac vero hoc signum
dum manducas, & bibis, sedes, recubas,
exurgis, loqueris, ambulas, verbo di-
cam, in omni negotio, quæ postrema ver-
ba Græce ex Operibus Cyrilli subijcio.

Ad Uxorem
 lib. 2. cap. 5.

Cyrrill. Hie-
 rosoly. edi-
 tus ab An-
 tonio Augu-
 stino Tout-
 tejo Bene-
 dict. Parisiis
 An. 1720. p.
 58,

CAP. VII.

Tom. 3. par.
2. pag. 801.
nov. edit.
Paris. Ann.
1680.

Ποίει δὲ τὸ το σῆμα ἑσθίαν, καὶ
πίνων, καθήμενος, κοιταζόμενος, ἐξα-
νιστάμενος, λαλῶν, περιπατῶν, ἀπαξα-
πλῶς ἐν παντὶ πράγματι. Sub initium
autem Sæculi V. Sanctus Johannes
Chrysostomus Homilia 21. ad populum
Antiochenum, aniles quasdam super-
stitiones damnans, hortatur quemlibet,
ut domo egrediens, Cruce in fronte im-
pressa, contra diaboli tela se instruat,
τὸν σταυρὸν ἐπὶ τῷ μετώπῳ διατύπωσον,
Crucem in fronte imprime. Tanti ritum
hunc ea tempestate Christiani aestima-
runt, ut Sanctus Pater, atque Magi-
ster noster Augustinus scribere non du-
bitaverit, Tractatu 118. in Johannem,
eo prætermisso, nihil in sacrificio, ni-
hil in Sacramentis rite peragi. Merito
plurimi fecerunt id quod à veteri Tra-
ditione profluxerat, teste eodem Ter-
tulliano ibidem; nam ad asserendas non
scriptas Traditiones ab eo fuerat alla-
tus. Hanc si nulla scriptura determina-
vit, certe consuetudo corroboravit, quæ
sine dubio de Traditione manavit. Ma-
gnus

gnus Basilius quoque libro *De Spiritu Sancto* cap. 27. originem Crucis signi à Traditione repetit, *Si enim attentaverimus consuetudines ecclesiæ non per scripturas à Patribus traditas nihil æstimare; quantum religio detrimenti sit latura, intente inspicientibus liquido constabit. Quæ enim (ut inde ordiamur) scriptura salutiferæ Crucis signaculo fideles docuit insigniri? Hoc & alia plurima apud Basilium, tacita ac mystica Traditione à Patribus, ecclesiastico more, reverentiori diligentia sunt in mysteriis observata silentio, quam publicata scripto. Postulat instituti nostri ratio, ut Rosarii partes, earumque originem in bono lumine colloceamus; idcirco de Crucis Signo differuimus, à quo jure & auspicato preces nostras exordimur, verbis illis adhibitis, quibus in Baptismo Jesu Christo vivere coepimus, *In nomine Patris, & Filii, & Spiritus Sancti*: In Dei utriusque nomine, quandoquidem Divina virtute, Divinis auxiliis opem nobis ferentibus, ad agendum, & ad oran-*

H 4 dum

CAP. VII.

Refertur
dist. x. c. v.
Sed in nova
Ordinatio-
ne Decreti
Card. Tur-
recorm. edi-
Rom. hoc
An. 1725. le-
gitur L. 1.
P. II. pag. 59.

1725
1725
1725
1725

CAP. VII.

* Rom. c. 8.

v. 26.

2. Corinth.

c. 3. v. 5.

X. mot
 2. 26. 26
 2. 26. 26
 2. 26. 26
 2. 26. 26

2. 26. 26
 2. 26. 26

dum aggredimur ; *Nam quid oremus sicut oportet nescimus*, immo, *non quod sufficientes simus cogitare aliquid à nobis quasi ex nobis, sed sufficientia nostra ex Deo est*. In Dei nomine orare & alia quævis agere oportet, hoc est, ad ejus Gloriam, cum sit Deus Optimus Maximus origo prima, & ultimus omnium finis. Hinc tamen quanta sit Traditionum vis, atque vetustas facile perspicitur in primo nostrarum precum limine, quod per transfennam adnotamus. Consulendus pro Catholico Traditionum non scriptarum dogmate Sanctus Irenæus auditor Sancti Polycarpi Smyrnxorum Episcopi, & aliorum Apostolicorum virorum libro 3. cap. 1. 2. 3. 4. ubi disertis verbis eas adstruit. Sed ne actum agamus, e diverticulo in viam.

II. Absolutis singulis decadibus, verba illa usurpamus, *Gloria Patri, & Filio, & Spiritui Sancto* quæ *δοξολογία*, sive *Glorificationem* vocarunt veteres, eaque à Crucis Signaculo prope absunt. Deum ejusque Gloriam necesse est habeamus

beamus continenter præ oculis. Eo cuncta spectant, ipsæ quoque Deiparæ preces, ac laudes; hinc sæpius repetitur *Glorificatio*. Deo, Divinæ Trinitati Gloria, non autem nobis debetur. *In nullo gloriandum, quando nostrum nihil sit*, ut optime Cyprianus ad Quirinum contra Judæos, l. 3. c. 4. quem Sancti Martyris locum laudibus prosequitur magnus Gratiæ Doctor Augustinus Parens, atque Magister noster, *ad Bonifacium*, l. 4. c. 9. contra Pelagianos ad veterum Patrum scripta injuria provocantes. Tum Cyprianus, tum Augustinus ab Apostolo acceperant, quod inter orandum, maxime dum hujusmodi *Glorificatio* canitur, mente revolvere, & quidem summa animi nostri submissione oportet; *quid autem habes quod non accepisti? si autem accepisti, quid gloriaris, quasi non acceperis?* Nec Divinæ Gratiæ hostes queri poterant perimi arbitrii libertatem, ac fatum invehiri; siquidem mox reponit ibidem Augustinus, *Nunquid iste Sanctus tam memorabilis Ecclesia-*

Tom. X.
pag. 184. edit. nov. Parisien. Ann. 1690. n. 25, 26.

I. Corinth. c. 4. v. 7.

CAP. VII

*rum in verbo veritatis instructor, liberum arbitrium negat esse in hominibus, quia Deo totum tribuit quod recte vivamus? Nunquid sub nomine Gratie fatum asserit, quomvis dicat in nullo gloriandum, quando nostrum nihil sit? Priora Doxologiae verba ab ultima antiquitate repetenda sunt. Magnus Basiliius librum de illis edidit ad Amphilo-
chium Iconii Episcopum, inscriptum De Spiritu Sancto. Nam cum apud populum orans Glorificationis verba interdum protulisset cum Filio, & cum Spiritu Sancto, interdum per Filium in Spiritu Sancto, ac turbæ obortæ fuissent; priorem formam, & Divinarum Personarum æqualitatem vindicat ab hæreticorum injuriis, & alteram Orthodoxe exponit. Præterea cap. 7. vetustatem Doxologiae confirmat; quin & illud mentiuntur, hanc vocem, cum quo, ab usu piorum alienam esse. Quotquot enim morum constantia, antiquitatis majestatem novis ornamentis protulerunt, ac majorum Traditionem citra mutationem conservarunt, singulis*
tum

tum regionibus, tum civitatibus hac voce usi sunt. . . . Itaque videas & hodie à rusticis hanc vocem, more veterum, pronunciari. . . . Proinde, sequitur, quod à majoribus nostris dictum est, & nos dicimus Gloriam esse communem Patri cum Filio, quapropter & Glorificationis hymnos Patri simul cum Filio offerimus.

ὁπερ ἐλέγον τοῖνυν οἱ πατέρες ἡμῶν, ὅτι ἡ δόξα κοινὴ πατρὶ, & υἱῷ, διὸ & μετὰ τῶ υἱοῦ τὴν δόξολογίαν προσάγομεν τῷ πατρὶ.

At quænam vetustas, quænam vindicta iis comparandæ, quæ repetuntur ab Evangelicis verbis, quibus Christianis sacris initiamur, quod magnum hunc Græci Doctorem capite 10. minime fugit. Quod ad reliqua prioribus verbis adjecta, in confesso est. Anno Æræ Christianæ 529. ubique terrarum adhibita fuisse, ex Canone V. Concilii Vasensis II. Et quia non solum in Sede Apostolica, sed etiam per totum Orientem, & totam Africam, vel Italiam. propter hæreticorum astutiam, qui Dei

Conc. Labbei, to. 4. p. 1679. sic mundo secundum est.

Filium non semper cum Patre fuisse, sed a tempore cœpisse blasphemant in omnibus clausulis, post Gloria, sicut erat in principio, dicitur, etiam & nos in universis Ecclesiis nostris hoc ita dicendum esse decernimus. Qui Doxologie originem aliunde arcessunt egregie falluntur, ut animadvertit doctissimus Cardinalis Johannes Bona, cap. 16. *De Divina Psalmodia.*

III. Priusquam de Antiphona *Salve regina* loquor, quæ alicubi semel, alicubi tum initiostrarum precum, tum illis persolutis, usurpatur obin memoriam revocanda sunt, quæ pro Deiparæ cultu attulimus capite 2. quibus adjicimus omni majus exceptione testimonium pettum ab omnium fere Liturgiæ, ea in re, consensione; illarum quoque, quibus ante tredecim sæcula usi sunt Nestoriani Mariæ iniquiores. Quapropter pius ac doctus Cardinalis Bona sapienter animadvertit, *De Divina Psalmodia* c. 12. S. 1. *vetustissimum Christianorum ritum, sanctissimam Dei Parentem colendi, &*
in-

invocandi, prævisse quibusvis Conciliorum, Ecclesiæque Canonibus, & idcirco, ex constanti regula primi subse-
 lli Theologorum, ab Apostolica Tra-
 ditione manasse. Quis primo piam,
 hanc, atque celebrem Antiphonam,
Salve regina auctor consecerit adhuc
 sub iudice lis est. Idem Bona agens
De Divina Psalmodia, eam adjudicat
 Hermanno Contracto Sancti Benedicti
 monacho, Anno 1059. demitis extre-
 mis verbis, *o clemens, o pia, o dul-*
cis Virgo Maria, quæ à Sancto Ber-
 nardo Claravallensi Abbate addita ex-
 istimat, sæculo post Christum natum XII.
 Hermannus cognomento Contractus,
 à mala corporis habitudine, tardiori
 puer ingenio, Beata Virginis ope, ad
 scientiam adipiscendam aptus evasit,
 idque tradit eruditissimus Mabillonius
 Anno 1020. nu. 90. Annalium Benedi-
 ctinorum, sed hujusmodi Antiphonæ
 originem illi non tribuit. Quid igitur
 sentiendum? Sanctum ne Claravallen-
 sem Abbatem hoc honore auctum di-
 cemus? Johannes cognomento Eremi-

to. 4. p. 173.

ta,

CAP. VII.

Vol. 2. p.
1287. Op.
S. Ber. edit.
Mab. Paris.
A. 1690.

ta, qui ad finem vergente saeculo Ecclesiae XII. scripsit Bernardi vitam, refert lib. 2. nu. 7. nocte quadam Dei-
param visam à sancto viro, qui ad
altare pervenit, ubi voce Angelica au-
divit decantari Antiphonam. *Salve re-
gina ex integr. usque ad finem; quam
cordatenus retinens, & postea scripsis-
se, atque Domino Papae Eugenio tran-
smisisse refertur, ut ex praecepto au-
thoritatis Apostolicae per Ecclesias so-
lemnis haberetur, in honore beatae, &
gloriosae Virginis Dei Genitricis Mariae,
quod & factum est, ut adhuc plerique te-
stantur.* Si Johanni fides, de Hermannò,
actum est: Bernardo accepta referen-
da erit tota quanta est, non unum
dumtaxat, vel alterum verbum. Con-
tra, si *Meditatio in Antiphonam Salve
regina* (quae sub adscito Bernardi no-
mine extat in 2. volumine ejus Ope-
rum editionis Mabilloniana) factus
esset, ut nonnullis placuit, Anselmi
Lucensis Episcopi, qui ante natum
Bernardum floruit, ne minima quidem
particula ad Abbatem Claravallensem
per-

pertinebit, quod ea Meditatio omnia complectatur, una demta vocula *Mater*, in hunc modum, *Salve regina misericordia*. Silentio prætereunda non est eorum sententia, qui à Petro Compostellano Archiepiscopo, labente sæculo Ecclesiæ X. hanc originem arcessunt, ut videre est apud laudatum sapius Mabillonium, Anno 986. n. 89. in Annal. Benedict. *Petrus*, inquit, *Episcopus Compostellanus*, cognomen *de Masconca*, qui ante *Episcopatum Monasterii Sancti Petri Ante-Altaria* in eadem urbe Abbas extiterat: Hic *piam Antiphonam de Beata Virgine*, nempe *salve regina*, composuisse dicitur. Idem antea scripserat Guilelmus Durandus in *Rationali*, lib. 4. cap. 22. Ut ut hæc se habeant, illud extra omnem dubitationis aleam positum est, quatuor in hanc Antiphonam sermones sancti Bernardi Abbatis nomen præferentes, genuinum ejus foetum non esse, tum ob maximam *stili*, & *genii* diversitatem, tum ob frequentia poëtarum carmina, ut observavit clariss.

tom. 4. p. 38.

CAP. VII.

rissimus editor. Tribuuntur à nonnullis Bernardo Archiepiscopo Toletano. Qui primi sæculi Ordinis Prædicatorum historiam contexuerunt, norunt quanti piam hanc precationem Maiores nostri ducerent. Jure Rosario additur; jure in ea cum Patribus, ut inuimus cap. 2. tum *Regina*, tum *Advocata nostra* nuncupatur Deipara. Mariam *Reginam* nostram oramus, ut & ipsa, tanquam *Advocata* oret pro nobis, *in hac lacrymarum valle* gementibus; Deum Optimum Maximum, nostrum; Mariæ, & omnium Dominum ac conditorem, quo *post hoc exilium* frui in votis habemus.

IV. Longe plura de *Angelica salutatione* dicenda forent, si quicquid Patres, maxime Lucæ Evangelium interpretati, scripserunt, huc adducere esset operæ pretium. Notiora hæc sunt, quam ut indigeant explicatione. Ad hæc, norunt vel pueri illius Auctores, Gabrielem, Elisabetham, Ecclesiam. Quod si ex me quis sciscitetur epocham piæ precationis illius *Santa Ma-*

Maria Mater Dei ora pro nobis peccatoribus &c. respondebo, apud Bonam, eam Angeli (salutationi, saeculo V. damnato ab Orthodoxis Nestorio; apud alios vero, multo serius, austarii loco accessisse. Componi haec facile possunt, si dixerimus, verba quidem, quae minoris momenti sunt, recentiora esse, rem ipsam, quod caput est, antiquiorem. An non Johannes Damascenus, & Andreas Creten-
sis, ut capite. I. animadvertimus, consimili modo precabantur, dum Mariae laudibus, & Angeli verbis ea, adiciebant, Ceterum, optima Domina, misericordiam extendas tuam, in eos qui te noverunt, ac respice in ser-
vos tuos. &c. Ave Gratia plena, Dominus tecum, ex qua salus Christus Deus noster assumptam naturam hominum ad se revocavit: obsecra ut salutem consequamur animarum nostrarum? Ita Patres saeculo VIII. orabant: sed eas preces non tunc primunt invehe-
bant ipsi in Ecclesiam: Nullus dubito quin Patrum Ephesinorum aeo, im-

CAP. VII. mo diu antea, locum habuerint. Consuli poterit pro Angelica salutationis explanatione eximius Maria cultor sanctus Bernardus Claravallensis, maxime in Homilia III. ex quatuor vulgo *super missus est*, quæ ex ipsiusmet Auctoris mente inscribendæ sunt *De Laudibus Virginis Matris*. Quod ab hæreticis dictum est contra tot Angelicas salutationes Rosarii, quasi scilicet ad Mariam, quam ad nostrum, & Mariæ conditorem confugeremus orantes, a partium studio oritur, & ab inscitia: Mariam colimus, ut Dei templum, ac Matrem, Angeli verbis, *Dominus tecum*. Mariam oramus, ut *oret pro nobis peccatoribus nunc, & in hora mortis nostræ*, ut oret, inquam, Deum bonorum omnium Auctorem.

V. Superest precationum quarumlibet præstantissima, nempe, *Oratio Dominica*, cujus nemo Auctorem ignorat. Illum Evangelium, illum operis, & Orationis suæ excellentia demonstrat, ut enim scite Tertullianus de ea loquitur, cap. 9. de Oratione, *Deus solus doce-*

docere posuit, ut se velles orari. Hinc Sanctus Cyprianus, libro de eadem exarato, ait, *quæ vera magis apud Patrem precatio, quam quæ a Filio, qui est veritas, ex ejus ore, prolata est? ut aliter orare quam docuit, non ignorantia sola sit, sed & culpa*: quæ quidem Sancti Martyris verba, non eo spectant, ut preces aliis verbis fusa, sed ut illæ quæ alio spiritu conditæ sunt, ablegentur. Susplicari quis possit locum hunc transversos egisse Albigenes, atque Vvaldenses, qui (quamvis cetera diversi) in una Oratione Dominica adhibenda conspirabant, valere jussis aliis quibuslibet; Sed ne ita sentiamus facit odium plusquam Vatinianum, quo Ecclesiæ Patres illi prosequebantur. Sed, missis horum commentis, Cypriano auctore, Oremus, fratres dilectissimi, sicut magister Deus docuit. Nam cum dicat, quia quodcumque petierimus a Patre in nomine ejus dabit nobis, quanto efficacius * impetramus quod petimus in Christi nomine, si petamus ipsius oratione?

* al. impetrabimus.

Cum

CAP. VII.

Cum vero Tertullianus cap. 1. de Orat. eam vocet *breviarum totius Evangelii*, & Cypriano teste, *Orationis Domini-
cæ sacramenta multa*, & magna sint, in eaque *nihil omnino prætermis-
sum sit*, oportet hæc conquirere in monumen-
tis veterum scriptorum, recentiorum
quoque, sed eorum, qui Evangelii,
traditionis, Ecclesiæ, & Jesu Christi
spiritum exhibent nobis, & sensa ape-
riunt, in rebus tantum momenti. Ut
vero utamur verbis sancti Hilarii Pi-
ctaviensis episcopi c. 5. in Matth. Ter-
tullianus (quamvis alia quædam ejus
opera erroribus infecta sint) & Cy-
prianus suppetias nobis ferent; *de
orationis autem sacramento necessitate
nos commentandi Cyprianus vir sanctæ
memoriæ liberavit; quamquam & Ter-
tullianus hinc volumen aptissimum scri-
pserit*. Sane uterque aureus libellus
diu, noctuque terendus esset, cum in
illis præclare jacta sint solidissima fun-
damenta orationis, hoc est, æternæ
salutis. Sexcentis in locis sanctus Au-
gustinus Cypriani librum commendavit,
ma-

maxime de Gratia & libero arbitrio
cap. 13. *commoneo autem caritatem
vestram, & multum exhortor, ut
beati Cypriani librum, quem scripsit
de Oratione Dominica, diligenter le-
gatis; & quantum vos Dominus adju-
verit, intelligatis, memoriæque man-
detis. Ibi videbitis quemadmodum sic
alloquatur liberum arbitrium eorum,
quos conscriptione sui sermonis ædifi-
cat, ut ostendat tamen ea quæ imple-
nda jubentur in lege, in oratione esse
poscenda. Ipsemet Augustinus optime
egit de eadem in epistola ad Probam
de orando Deo, nec non Augustini
vestigiiis insistens sanctus Thomas A-
quinas Doctor noster Angelicus 2. 2.
articulo 9. excellentis illius quæstio-
nis 83. De Oratione, quam nullus,
nisi scientia, ac pietate maxima præ-
ditus, conscribere potuit.*

CAP. VII.

t. X. Oper.
S. Aug. edit.
Anno 1690.
p. 731. n. 26

VI. Ex ea sancti Thomæ quæstione
peti possunt quæcumque ad oratio-
nes quaslibet pertinent; paucis enim,
ut solet, plura complectitur. Viden-
dus quoque laudatus sæpius Cardina-
lis

CAP. VII.

to. 1. p. 135.
edit. Paris.
An. 1677.

lis Bona , tum libro *de Divina psalmodia* cap. 19. agens de oratione , attentione , devotione , ceterisque huc spectantibus , tum libro *de Horologio Ascerico* , cap. 5. , ubi brevem quandam methodum exhibet persolvendi *Rosarium* nostrum ; *Coronam B. Virginis* ex septem orationibus Dominicis , & sexaginta tribus salutationibus Angelicis ; tot enim annos vixisse Deiparam plurimi sentiunt ; & *Coronam Domini* ex quinque Angelicis Salutationibus , & triginta tribus Orationibus Dominicis , ob consimilem annorum Servatoris nostri numerum ; cujus Auctor fuit B. Michael Camaldulensis . Hinc , ex veterum Patrum libris , maxime Cypriani & Tertulliani , & ex egregiis quibusdam recentiorum scriptorum tractatibus de Oratione , præsertim Dominica , eruenda sunt quæcunque pertinent ad usum harum precationum , & ad Meditationem Mysteriorum Vitæ Jesu Christi , ad quam vitam moresque nostros componere , solida est , & omnium præstantissima

vir

virtus, quam maxime a cultoribus suis Deipara postulat. Addunt nonnulli Rosario preces alias; colunt, & invocant Dominicum jure & merito, quod præclari ritus Auctor extiterit. Tandem post tot Obsecrationes, Orationes, Postulationes, & Gratiarum Actiones, de quibus optime egit sanctus Thomas eadem questione 83. artic. 17. Apostoli vestigiis insistens 1. ad Timotheum, c. 2. *Benedictione Divina*, ex veteri, constantique sacrorum ritu, Rosarium absolvitur.

VII. De ejus commendatione plura dicere supersedeo, quod nulla de præstantissimo ritu apud Catholicos quaestio orta fuerit. Nam quod objici posset, facillimas, vulgares, & quibusvis pueris, mulierculis, rusticis notas complecti preces, id vero est quod ejus excellentiam cum maxima utilitate conjunctam demonstrat; & ideo a sancto Pio V. Pontifice Maximo Ordinis nostri, commendatur, in constitutione *consueverunt Romani Pontifices*, §. 1. *ob modum facilem, & omnibus*

omnibus pervium , ac admodum pium orandi , & precandi Deum . Quæ in medium allata sunt in hac *Dissertatione* id satis ostendunt : quapropter pii quique ac præstantes viri qui post Rosarii originem in ecclesia floruerunt, permagni illud semper fecere ; maxime veteris Disciplinæ & Ethices instaurator *Sanctus Carolus Borromæus* , & Deiparæ , nostrique Ordinis amantissimus *Sanctus Philippus Neri* , cui tantum debet Roma & ecclesia ob Disciplinam , & mores prioris ævi, postliminio revocatos , & ob incolumem servatum , in maximo vitæ discrimine, cultorem suum , & morum eorundem Restitutorem Sanctiss. Patrem BENEDICTUM XIII.

Acta Eccles.
Mediolan.
dit. Lugdun.
An. 1683, p.
258. & S.
Car. Jussani,
l. 8. cap. 2.
Vita S. Phil.
Nerii.

L A U S D E O .



